

Inatsisissatut siunnersuummut nassuiaatit

Nassuiaatit nalinginnaasut**1. Aallaqqaasiut**

1.1. Siunnersuummut pingaarnertut tunuliaqutaasut

"Ilinniartitaanikkut aqqissuussineq ataqatigiissoq eqaatsoq" pillugu nalunaarusiap tunniunneqarnera ulloq 1. oktober 2020-mi Naalakkersuisuusimasut akueraat. Tunniussinnermut atatillugu innersuussutit aalajangersimasut ilinniartitaanermut suliassaqarfimmuut iluaqutaasutut nalilerneqartut sulissutigineqarnerat ingerlateqqinneqassasut ilaatigut aalajangerneqarpoq, tassunga ilanngullugu atuarfiup pitsannngorsarnissaanut naleqqiullugu. Nalunaarusiartaa suliniutinik arlalinnik imaqarpoq, taamaalilluni sulissutigineri ingerlateqqinneqassallutik aamma annertunerusumik aningaasaliinissamik pisariaqartitsinngitsut. Taakku taamaattumik sukkasuumik aallartinneqarsinnaapput, allat aatsaat atuutillernissaat sioqqullugu pilersaaruserneqassallutik aqqissuunneqassallutillu.

Aammattaaq

Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliap ulloq 23. oktober 2020-mi apeqquteqaataanut Naalakkersuisuusimasut ulloq 28. oktober 2020-mi akissuteqaataani ilisimatitsissutigineqarpoq innersuussutit aalajangersimasut ilaasa sukkasuumik aallartinneqarnissaannut periarfissiinnaasut sulinerit aallartinneqarsimasut. Tamanna aamma inatsisitigut suliniutit nutarsarnissaannut atuuppoq, taamaalilluni suliniutinut tamatuminnnga pisariaqartitsisunut tunngavissaq qulakkeerneqarluni. Tamatuma nanginnerani eqqaaneqarpoq 2021-mi upernaakkut ataatsimiinnermi oqaluuserisassatut atuarfik pillugu inatsisip nutarterneqarnissaa piareersarneqartoq, nutarterinerullu imaa ilaatigut atuarfinni isumaginninnermi siunnersortinik imaluunniit inunnik isumalluutinik atuinnermut, digitalikkut ilikkarnissaq aamma atuarfinni pisortat ilinniartitaanerannut tunngassasoq.

Siunnersuummi tassani apeqqutit eqqaaneqartut arlallit sammeneqarput kiisalu atuarfik pillugu Inatsisartut inatsisaata atuuttup tulluarsarnissaa pillugu pisariaqartitsineq kissaatillu paasineqarsimallutik. Taakku ilaatigut Inatsisartut akuerisimasaanni aalajangiinissamut siunnersuutini arlalinni oqaatigineqarsimapput. Aammattaaq siunnersuut aalajangersagaalunnik imaqarpoq, atuarfik pillugu Inatsisartut inatsisaata allanngortinnissaanut siunnersuutikkut UKA 2017-imi UKA2017/100-mi saqqummiunneqarsimasoq. Tassani pineqarput aalajangersakkat taamanikkut siunnersuutikkut atorunnaarsinneqartut taakku misissueqqissaarnermik ineriartortitsilluni suliniutip inernerinik utaqqisariaqarnerinut innersuussisut. Tassunga atatillugu ilaatigut suleqatigiissitap innersuussutai pigineqalerpata allanngorteqqinneqarsinnaasumik inatsisip allannguutaanik

akuersinerup tulluanninneranut innersuussisoqarpoq. Peqatigisaanik maannakkut unammilligassat atuarfimmuut tunngasut piumassuseqarfigineqannginnerattut inerniliineq manna isigineqassanngitsoq ataatsimiititami erseqqissaatigineqarpoq. Taamaalilluni misissueqqissaarnej aamma ineriartortitsinermi suliniut sioqqullugu nalaanilu sularineqarsimasut suliniutit annerusumik pineqarput.

Peqatigisaanik ilisimatitsissutigineqassaaq siunnersuut tusarniaanissaq sioqqutilaarlu kommuninut sinniisut peqatigalugit kingumullu tusarniaanerup kingunitsiannguaq kommuninut sinniisut peqatigalugit oqallisigineqarluni.

2. Siunnersuummi immikkoortut pingaarnit

a) Inatsisit atuuttut

Inatsisit atuuttut tassaapput atuarfik pillugu Inatsisartut inatsisaat nr. 15, 3. december 2012-imeersoq, Inatsisartut inatsisaatigut nr. 21 ulloq 13. november 2017-imeersutigut allanngortinneqartoq.

Klassimi atuartut amerlanerpaaffissaat:

Inatsisartut inatsisaani atuuttumi § 6-imit takuneqarsinnaavoq ukiup atuarfiusup aallartinnerani klassimi atuartut amerlassusissaat atuartunit 26-nit amerlanerussanngitsut. Aalajangersakkami atuartut 26-t amerlanerpaaffiusussatut allanneqarput, aalajangersagarlu immikkut akuersinissamut pisinnaatitaanermik imaluunniit atuartut amerlanerpaaffissaat pillugu malittarisassanik erseqqinnerusunik aalajangersaanissamut piginnaatitsissummik ilaneqarsimanani, tassunga ilanngullugu atuartut amerlassusaasa amerlanerpaaffiata ikilisinneqarnissaa pillugu malittarisassanik aalajangersaanissamut periarfissaq. Aalajangersagaq isumaqarpoq, kommunalbestyrelsip atuartut amerlanerpaaffissaat 26-nit ikinnerussasut aalajangersarsinnaagaa.

Oqaluttuarisaanerup immikkut ilinniakkatut immikkoortinnissaa:

Inatsisartut inatsisaani atuuttumi § 10, imm. 1, nr. 2-mi takuneqarsinnaavoq alloriarfinni tamani atuartitsinermi atuartitsissutini immikkoortuni aamma atuartitsissutinuut immikkoortitaanngitsuni atuartitsisarnej ilaasut, tak. § 11-13, atuartitsissutit kulturip inuiaqatigiilerinerullu iluanni atuartitsissutit inuiaqatigiilerineq kiisalu upperisarsiornej aamma isumalioqqissaarnej. Tamatumunnga atatillugu aalajangersakkamut oqaaseqaatini takuneqarsinnaavoq inuiaqatigiilerineq imaqartoq kulturi, oqaluttuarisaaneq, inuiaqatigiinnut tunngasunik ilikkagassat aamma kulturikkut nunalerineq Taamaasillunilu inatsisini atuuttuusuni takuneqarsinnaavoq oqaluttuarisaaneq nammineq meeqqat atuarfianni atuartitsissutaanngitsoq immikkoortoq.

Ilinniartitsissutissat sumiiffinni ataasiakkaani toqqagassat aaqqissuunneqarneri:

Inatsisartut inatsisaani atuuttumi § 10, imm. 1, nr. 5-imi takuneqarsinnaavoq alloriarfinni tamani atuartitsinermi ilaasut atuartitsissutissat immikkoortitikkat aamma

immikkoortitigaanngitsut, tak. §§-t 11-13, sumiiffinni ataasiakkaani toqqagassani mernguernartulerinermi kiisalu kulturimut, inunnut tunngasuni aamma inuussutissarsiornermut tunngasuni ingerlatassat. Tamatuma saniatigut takuneqarsinnaavoq aalajangersakkamut namminermt oqaaseqaatini sumiiffimmi atuartsissutit toqqagassat nr. 5-imi siunertaqartut qularnaassallugu atuartut tamatigoortumik atuartinneqarnissaat, mernguernartulerinerni, sammisanik assigiinngisitaartunik ingerlatsiffiusinnaasuni, assersuutigalugu nipilersorneq, isiginnaartitsineq, qitik, assilialiorneq, assiliineq, tusagassiuutit, marrarmik suliaqarneq, assasorneq, ammerineq aamma mersorneq, sananeq aamma sanalunneq, illumi suliaqarneq, qaanniorneq aamma qamusiorneq, umiatsiarneq, aalisarneq aamma piniarneq, kiisalu timersornermi ileqqutoqqat tunngavigalugit sammisaqarneq, aamma ullutsinni timersuutini sammisaqarneq. Kiisalu aamma sumiiffinni ataasiakkaani toqqagassani ukioqqortussutimik tunngaveqartumik kulturikkut, inuttut aamma inuussutissarsiuutit ingerlatanut atuarfiup avataani ingerlanneqartartut ilaatinneqartarput, atuartup ilikkagassanik sammisaqarnerata ilaatut.

Kiisalu takuneqarsinnaalluni siunertaasoq sapinngisamik annertunerpaamik sumiiffinni namminerni periarfissat inuillu piginnaanillit iluaqutiginiarneqassasut, atuartsinerup ilaani tassani. Assersuutigalugu tassaasinnaapput naluttarfeqartuni nalunneq imaluunniit taamatut ilinniartitsisinnaasumik ilinniartitsisumik atorfeqartoqarpat sumiiffinnilu pissutsit taamaaliortitsisinnaatillugit sisorarneq. Ilanngullugulu oqaaseqaatini nalunaarneqarpoq sumiiffinni toqqagassat ukiukinnerusunut annertunerusutigut tassaasassasut atuarfimmi ingerlatassat, annertunerusumillu atuartut nammineq ataasiakkaarlutik kissaataat isiginiarneqartarlutik.

Atuartsissutissaq sumiiffinni toqqagassaq aamma Inatsisartut inatsisaanni § 11, imm. 2, nr. 5-imi takuneqarsinnaavoq, alloriarfimmu nukulernut atuartsinermt tunngatillugu, § 12, imm. 1, nr. 5, akullerni atuartsinermt aamma § 13, imm. 1, nr. 5 angajullerni atuartsinermt.

Atuartsissutit taassuma ilisarnaatigaa qitiusumiit inatsisiliornikkut atuartsissutit suut atuartsinermt isiginiarneqartassanersut pillugit tulleriaarisimangimmat.

Atuartsinermt qarasaasialerinerup, tassunga ilanngullugu teknologiimik paasisimasaqarneq, digitalikkut perorsarsimaneq aamma digitalimi pissusilersorneq, tassunga ilanngullugu atuartsissutit ilanngunneqarneri:

Atuarfik pillugu Inatsisartut inatsisaanni § 10, imm. 3-mit, takuneqarsinnaavoq qarasaasialerineq ilinniartitsissutini ilinniartitsissutinilu tunngassuteqartuni tamani atuartsinerup ilaatut atortussatullu ilaatinneqassasoq. Maannakkuugallartoq qarasaasialerineq, tassunga ilanngullugit digitalimik paasisimasaqarneq, digitalikkut perorsarsimaneq aamma digitalimi pissusilersorneq atuarfik pillugu inatsimmi, atuarfinni ilinniagassanut ilinniagassatut anguniagassani imaluunniit ilinniagassanut pilersaarutini erseqqinnerusumik allaaserineqarsimangilaq. Atuarfik pillugu inatsit atuuttoq taamaalilluni qarasaasialerineq, tassunga ilanngullugit teknologiimik paasisimasaqarneq, digitalikkut

perorsarsimaneq aamma digitalimi pissusilersorneq, atuartitsinermi qanoq ilaatinneqarnissaa pillugu malittarisassanik erseqqissunik imaqqangilaq, tassunga ilanngullugu atuartitsissutitut.

Atuarfinni tamani ikiuinermi atassuteqarfissamik pilersitsineq:

Atuarfik pillugu Inatsisartut inatsit atuuttoq atuarfinni ikiuinermi atassuteqarfissanik pilersitsinissaq pillugu malittarisassanik imaqqangilaq. Inatsisartut inatsisaat aamma isumaginninnermi siunnersortimut imaluunniit meeqqanik artorsaateqartunik suliaqarnermut naleqqiullugu allatigut suliatigut isumaginninnikkullu piginnaasartumut inummut isumalluummut atuartut periarfissaqarnerat pillugu aalajangersakkanik imaqqangilaq.

Atuarfinni pisortassanik ilinniartitsineq:

Atuarfik pillugu Inatsisartut inatsisaannit atuuttumit takuneqarsinnaavoq atuarfiup pisortaa atuarfimmi ilinniartitsisutut ilinniarnermik imaluunniit Naalakkersuisunit akuerineqartumik ilinniarnermik allamik naammassisaqarsimassasoq. Atorfininnissamut piumasaqaatit aqutsinermik misilittagaqarnissaq pisortatulluunniit ilinniagaqarsimanissaq pillugit piumasaqaatinik aalajangersaasoqarnikuunngilaq. Tamannali isumaqqangilaq kommunalbestyrelsit atorfinitsitsisarnermi oqartussatut atorfinitsitsinermit atatillugu piginnaasat tamakku ilanngussinnaanngikkaat. UPA 2019/117-imik Inatsisartut suliarinninnerannut atatillugu soorlu eqqaaneqartoq, maannakkut atuarfiup pisortaaut ilinniartitaaneq kajumissuseqarnermik ingerlatassaavoq aamma atuarfinni pisortanik kajumissuseqartunit ingerlanneqartarluni, aamma atuarfimmi pisortatut atorfiup saniatigut ilinniaqqinnermik ingerlatsinissamut piffissaqarlutillu nukissaqartunut. Ukiuni pingasuni allagartartaarluni ilinniartitaaneq Ilisimatusarfimmi Ilinniartitaanermik ilisimatusarfimmi ingerlanneqartarpoq aamma 60 ECTS pointinut naliligaalluni. Tamatuma saniatigut Ilinniartitaanermut Aqutsisoqarfik kommunit suleqatigalugit atuarfimmi pisortatut atorfinerlaanut kajumissuseqartunut pikkorissarnermik neqerooruteqarpoq.

Atuarfiit pisortaasa pikkorissartinneqarneri pillugit apeqqut aamma 2015-imi atuarfiup naliliiffiqineqarneranut atatillugu suliarineqarsimavoq aammattaaq misissueqqissaarluni ineriartortitsinermilu suliniummut atatillugu. Misissueqqissaarnermik ineriartortitsinermillu suliniutip nanginnerani atuarfinni pisortat pikkorissarnerinut tunngasut innersuussutit saqqummiunneqarsimapput, ilaatigut ilinniartitsinermik aqutsinermut aamma atulersitsilluni sulianut suliareqqinneqartussatut Naalakkersuisut akuerisaannut naleqqiullugu.

b) Siunnersuut

Siunnersuummi § 1, nr. 1-imi aalajangersarneqarpoq § 6-imi imm. 2 ikkunneqassasoq atuartut ilikkartinnissaat atugarissaarnerallu eqqarsaatigisassat pingaarutillit tamatumunnga pissutissaqartitsippata klassimi atuartut amerlassusaasa amerlanerpaaffissaasa ikilisinneqarnissaat pillugu malittarisassanik Naalakkersuisut aalajangersaasinnaallutik. Peqatigisaanik imm. 1-imi imm. 2-mut innersuussineq ikkunneqarluni imm. 1-ip saneqqunneqarsinnaaneranut periarfissaq erseqqissarniarlugu.

Atuartut amerlanerpaaffissaat pillugu apeqqut ilaatigut UKA 2019/127-mik Inatsisartut suliarinninneranut atatillugu eqqartorneqarpoq, Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamit saqqummiunneqartumik allannguutissatut siunnersuut akuerineqarluni. Tassunga atatillugu Naalackersuisuusimasut atuarfimmi klassimi ataatsimit atuartut siunissami annerpaamik 18-iunissaannut periarfissamik pilersitseqqullugit peqquneqarput. Aalajangersakkatulli siunnersuutigineqartumi klassimi ataatsimi atuartut amerlassusaat annerpaamik 18-iunissaannut aalajangerneqanngilaq. Tamatumunnga pissutaavoq pisuni aalajangersimasuni suli appasinnerusumik qummut killiliinissamut pisariaqartitsisoqarsinnaaneranik tunngavilersuuteqarsinnaanera, aammattaarlu 18-it aamma 26-t akornanni qummut killiliisoqarnissaanut ammaassisoqarluni.

Aammattaaq oqaatigineqassalluni kommunalbestyrelsit ullumikkut nammineq suliniuteqarnermikkut klassimi ataatsimi atuartut amerlassusiisa annerpaaffissaat ammut sammisumik saneqqunneqarnissaanut aalajangiisinnaammata, tak. aamma tamanna pillugu siunnersuummi §1, nr. 1-imut nassuiaatini tamanna pillugu allataq.

Siunnersuummi § 1, nr. 2-mi aalajangersarneqarpoq inatsimmi § 10, imm. 1, nr. 2-mi, § 11, imm. 2, nr. 2-mi, § 12, imm. 1, nr. 2-mi aamma § 13, imm. 1, nr. 2-mi, kulturip aamma inuiaqatigiilerinerup ataani atuartitsissutissatut immikkoortutut oqaluttuarisaaneq ikkunneqassasoq. Allanguinermi siunertaavoq atuartitsissutip oqaluttuarisaanerup nukittorsarnissaa. Tamatumunnga pissutaavoq Inatsisartut inatsisaanni pineqartumi atuartitsissutit assigiinngitsut pullavigineqartussatut eqqarsaatigineqartut atortuulersinneqarsimanginnerat. Aammalu naammanngitsumik atuartitsissut taanna pingaartinneqarsimammat. Tamatumalu saniatigut immikkut ilisimasallit uparuartorsimavaat atuartut oqaluttuarisaanermit tunngasuni ilisimasaasa amigarnerat.

Allanguinerup kingunerisaanik pilerput atuartitsissutit immikkuunnginnerusut tassaasut oqaluttuarisaaneq, inuiaqatigiilerineq, upperisalerineq aamma isumalioqqissaarneq. Allanguinerillu taamaattumik kingunerissavaat atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaata aamma meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaata allanngortinneqartariaqarnissaat. Ilanngullugulu suliassaassaaq ilikkagassatut anguniagassanik atuartitsissutinut nutaanut suliaqarnissat.

Allaffissornikkut aqutsinermi aqqissuussassat eqqaaneqartut kingunerisaannik, minnerunngitsumik ilikkagassatut anguniagassanik suliaqarnissami, aammalu pisariaqarpat atuartitsissutissanik nutaanik suliaqarnissat eqqarsaatigalugit aalajangersakkap taassuma atortuulerrissaa kingusinnerussasoq siunnersuutaavoq.

Aammattaq oqaatigineqassalluni siunnersuummi § 1, nr. 4-mi digitalimi perorsarsimaneq aamma digitalimi pissusilersorneq Inatsisartut inatsisaanni § 10, imm. 3-mut, ikkunneqassasoq siunnersuutigineqarmat aamma siunnersuummi § 1, nr. 10-mi § 13, imm. 3-mi. Sammisaaq ilaatigut Naalakkersuisut digitalinngornissaanermi periusissiami 2018-imeersumi eqqaaneqarpoq "Inuiaqatigiit digitaliusut - Nuna tamakkerlugu digitalinngorsaanermi periusissiaq 2018-2021". Periusissiami allanneqarpoq inuunermi ingerlateqqitassaannik atuarfik atuartunik digitalikkut perorsaassasoq, aamma digitalinngorsaanerq aamma digitalikkut periarfissanik atuinermi peqqinnartumik kultureqarneq piorsarneqassasoq. Tamatuma saniatigut takuneqarsinnaavoq atuartut tamarmik internetimi inoqutigiillu attaveqaataanni isumannaatsumik tulluurtumillu atuinermi pissusilersormilulu atuartinneqassasut.

Apeqqut aamma § 37 tunngavigalugu apeqqutip 72/2019-ip akissutaani aamma UPA 2019/59-ip Inatsisartuni suliarineqarneranut atatillugu eqqartorneqarpoq. Tamatuma nanginnerani misissueqqissaarluni ineriartortitsinermilu suliamut "Eqaatsumik ataqatigiissumillu ilinniartitaanikkut aqqissuussinermut" atatillugu Naalakkersuisuusimasut peqquneqarlutik qarasaasialerineq, digitalikkut perorsarsimaneq aamma digitalikkut pissusilersorneq atuarfimmi atuartitsinermi qanoq ingerlanneqarsinnaaneramik misissuinermi ilaatinneqassasoq, kiisalu immikkut atuartitsissutitut pilersitsineq qanoq tulluartigissanersoq. Kingornatigut Kultureqarnermut, Ilinniartitaanermut, Ilisimatusarnermut Ilageeqarnermullu Ataatsimiititaliamut 9. oktober 2020-mi allakkiami ilinniartitaanermik aqqissuussinermi "atuarfik digitaliusumi maannakkut suliniut suliniutit akornanniittoq Naalakkersuisunit eqqaaneqarluni, tassungalu atatillugu digitalikkut piginnaasat pingaarnertut sammineqartut.

Siunnersuummi § 1, nr. 3 aamma nr. 5-11-mi pineqarput atuartitsissutit sumiiffimmi toqqagassat allanngortinneqarneri.

Allannguinerup kinguneraa atuartitsissutit qanitariissut atuartitsissutinut ikinnerusunut qitiusumik anguniagassalikkanut immikkoortinneqarneri atuartitsissutillu pinngitsoorani atuartitsissutaanissaat. Allannguinerillu kingunerissavaat atuartitsissutini mernguernartuni illumi suliaassanik ilinniarneq, timersorneq, silamiinneq, nipilersorneq, tassani ilaallutik erinarsorneq aamma isiginnaartitsineq, eqqumiitsuliorneq, tamatumani aamma sanaassanik titartaasarneq – arkitektur – assassorluni suliaassat, tassanilu ilaallutik sananeq aamma assassorneq sammineqartalernissaat.

Allannguinermi anguniagaasoq pingaarneq tassaavoq mernguernartulerineri sammisassat nukittorsarneqarnissaat.

Allannguneq ilaatigut isumaqarpoq atuarnerup tamarmiusup iluani timersornerup pingaaruteqartut tulleriarineri inissisimalernissaa. Ilinniagassanut illumi suliaassanik ilinniarneq, nipilersorneq, eqqumiitsuliorneq aamma assassorneq maanna qitiusumiit aalajangersaasoqassaaq qaqugukkut atuartitsissutit taakkua atuarnerup ingerlanerani

aallunneqartussaansut pillugu, aamma atuartitsissutit taakkua atuartitsissutitut qaqugukkut qinigassatut atuarnep ingerlanerani inissisimalertassansut. Qitiusumit aalajangersakkatigut siunertaavoq atuartitaaneq tamaat isigalugu ataqatigiilersitsinissaq.

Atuartitsissutitut qinigassanut atatillugu sumiiffinni namminermit toqqagassat eqqarsaatigalugit ajornartorsiutinik ersertoqarsimavoq, atuarfiit atuartitsissutinik pinngitsoorani sammineqartussanik skemami inissiiniartarnerat eqqarsaatigalugu, ilaatigut 10. Klassini. Tassani inaarutaasumik misilitsittarnerit imatut inissitaapput ajornartorsiortitsisarlutik atuartitsinermik atuartitsissutini ataasiakkaani naammattumik anguniagassanik kimilimmik imaqartitsisinnaanermut, ilikkagassatut angusassat ilitsersuutaasumut sanilliullugu, taakkua sumiiffinni namminermit oqartussaasunit aalajangigaasimappata imaluunniit ilikkagassatut pilersaarummi ilikkagassatut anguniagaappata.

Tamatuma saniatigut aqqissuussineq atuartitsissutini sumiiffinni toqqagassanut tunngatillugu ersersimavoq tigussaasumik naleqannginnerulersinneqartartoq, anguniagassatut aalajangersagaasunut akerliusumik, atuartitsissummik aqutsinermi siunertaasunut atatillugu. Tamatumunnga atatillugu eqqaaneqarsinnaavoq atuarfiit arlaannaalluunniit ilikkagassatut pilersaarutinik atuartitsissummi pineqartumi suliaqarsimanngimmata. Ilaatigullu nalilersuinermit nalunaarusiami 2015-imeersumi ersippoq sumiiffinni toqqagassatut aalajangigassat sumiginnarneqarsimasut. Tamatumunnga atatillugu pineqarput timersorneq, assassorneq aamma ilusilersuineq, eqqumiitsuliorneq aamma sanaassanik titartaasarneq kiisalu nipilersorneq isiginnaartitsinerlu.

Siunnersuummi § 1, nr. 13, 16 aamma 22-24 tassaapput naqqiissutit siunnersuummi § 1, nr. 5- ip malitsigisai, taassuma kingorna § 10-mi imm. 4 nutaaq ilanngunneqarluni taamaalilluni maanna atuuttumi imm. 4-7, 5-8 normulerneqarlutik.

Aammattaaq siunnersuut § 1, nr. 15-imi, atuarfinni tamani ikiuinermit atassuteqarfissamik pilersitsineq ingerlatsinerlu, atuarnermut toqqaannartumik attuumassuteqanngitsut ajornartorsiutit pillugit suliatigut inulerinermilu piginnaasaqartumut inummut atuartup saaffiginnissinnaanera pillugu aalajangersakkamik imaqarluni. Apeqqut Inatsisartut UKA 2020/54-imi suliarinninneranut atatillugu eqqaaneqarpoq. Tassani pineqarpoq atuarfik pillugu inatsisip atuuttup allanngortinnissaanut siunnersuummik Naalakkersuisut saqqummiussinissaat pillugu aalajangiiffigisassatut siunnersuut, taamaalilluni illoqarfinni atuarfinni tamani siunissami isumaginninnermit siunnersortimik imaluunniit inummik isumalluummik minnerpaamik ataatsimik atorfinitsitsisoqarsinnaalluni. Atorfinitsitsinerup qulakkiissavaa meeqqat tamatumunnga pisariaqartitsisut ajornartorsiutit atuarfimmu toqqaannartumik attuumassuteqanngitsut aaqqiiffiginissaannut oqaasertaliinissamut ikiorneqarnissamut pitsaanerpaamik periarfissaqalerlutik. Pingaarnertut anguniagaq tassaavoq inooqataanermi ajornartorsiutaasinnaasut qulaajaaffiginissaat oqaasertalernissaallu,

taamaalilluni atuartup naammaginatumik atuarnissaata qulakkeerneqarnissaanut iluaqutaalluni.

Siunnersuutip § 1, nr. 15-ip malitsigisaatut siunnersuummi § 1, nr. 14-imi, ikiuinermi atassuteqarfissami sulianik isumaginnissinnaasut inunnut piukkunnaatitut piunasaqaatit pillugit aalajangersakkat ikkunneqarput. Tamatuma kingunerisaanik, tak. siunnersuummi § 1, nr. 12, aamma Inatsisartut inatsisaanni kapitali 7-imi qulequttap allanngortinneqarnissaa pisariaqarsimavoq.

Siunnersuummi § 1, nr. 21 atuarfiup pisortaa atuarfimmi ilinniartitsisutut ilinniarnermik imaluunniit Naalakkersuisunit akuerineqartumik ilinniarnermik allamik naammassisaqarsimassaaq aamma kommunalbestyrelsit isumasioreerlugit Naalakkersuisunit aalajangersarneqartut malittarisassat naapertorlugit atuarfiup pisortaatut ilinniartitaanermik naammassisaqarsimanissaa pillugu aalajangersagaqarpoq. Apeqqut ilaatigut 2015-imi meeqqat atuarfiata nalilersorneranut atatillugu aamma ilinniartitaanermut pilersaarummi II-mi 2018-imeersumi eqqaaneqarpoq. Tassunga ilanngutissaaq qulaani eqqaaneqartutut tamanna pillugu UPA 2019/117-imi aalajangiiffigisassatut siunnersuut saqqummiunneqarpoq. Tassunga atatillugu allanneqarpoq atuarfiup pisortaa ilinniartitaanikkut, allaffissornikkut sulisutigullu aqutsinissaq sapissanngikkaa ulluinnarnilu sulinermini soqutigisanut assigiinngitsunut atassuteqassalluni soorlu atuartut, angajoqqaat, ilinniartitsisut, atorfillit, politikerit aamma inuussutissarsiuteqartut, assigiinngitsutigut atuarfiup sulineranut naatsorsuutigisaqarlutillu piunasaqartut, atuarfiup pisortaanit naammassineqartussat.

Siunnersuutip pingaarnertut anguniagaa tassaavoq atuarfinni ataasiakkaani qullersatut aqutsisut nukittorsarnissaat. Aammattaaq naliliisoqarluni aqutsisutut ilinniarsimasooq atuarfiup pisortaa sulisunut tamanut annertunerusumik atugarissaartitsisinnaassasoq kiisalu allaffissornikkut qaffasinnerusumik paasisimasaqalerluni, tamannalu atuartitsinermit attuumassuteqanngitsunut suliasanut naleqqiulluni nukissaqartitsisinnaassalluni. Peqatigisaanik naliliisoqarluni aqutsinikkut pitsaasumik piginnaasaqarneq atuarfinni ingerlanneqartup sulinerup pitsaassusianut pingaaruteqassasoq. Tassunga aamma ilaapput meeqqat atuarfiat, tassani atuartut atuartitsinermit pissarsiaat meeqqallu atuarfiata atuartitsinerata pitsaassusaa sulisut ilinniarsimanikkut qaffasissusianut aqutsisullu aqutsinikkut piginnaasaannut sanilliunneqarsinnaassalluni.

Atuarfiup pisortaatut sulineq naatsorsuutigineqarpoq ileqquusumik aqutsisutut inissisimaffiusunit allaniit allaanerusooq, tassa atuartunik, ilinniartitsisunik angajoqqaanillu sulineq tatiginninnermik nalinginnaasumillu isumaqatigiinnermik tunngaveqarmat, amerlanertigullu tassaasarluni ataatsimoorluni isumaqatigiissutigisimasatigut aqutsineq.

Pisortatut ilinniarsimanissaaq pillugu piunasaqaat pinngitsoorani piunasaqaataannigilaq, tassa siunnersuutip atulersinneqarnerata kingorna atorfinitsinneqartunut atuarfimmi pisortanut taamaallaat tunngasuummat. Aammattaaq aalajangersakkami imm. 2-mit takuneqarsinnaavoq

atuarfiup pisortaata piffissap atorfiniffiusup kingorna kingusinnerpaamik ukiut pingasut qaangiutsinnagit atuarfiup pisortaatus ilinniartitaanermi atuarfiup pisortaata naammassisaqarnissaa piumasaralugu atuarfiup pisortaatus ilinniartitaanermik naammassisaqarsimanngitsumik atuarfiup pisortassaanik kommunalbestyrelsi atorfinitsitsisinnaasoq. Peqatigisaanik aalajangersakkamut ilanngunneqarluni pisuni aalajangersimasumi, pissutsit immikkut ittut tamatumunnga pissutissaqartitsippata, atuarfiup pisortaatus ilinniartitaanerup naammassineqarsimanissaanut piffissaliussap ukiumik ataatsimik sivitsorneqarsinnaanera Naalakkersuisut akuerisinnaavaat.

Tassunga ilanngullugu atuarfinni mikinerusuni atuartunik 95-inik ikinnerusunik atuortoqartuni atuarfiup pisortaatus ilinniartitaanermik naammassisaqarsimanngitsumik atuarfiup pisortassaanik atorfinitsitsisinnaavoq, atuarfiup pisortaa aqutsinikkut allatigut piginnaasaqarpat, imaluunniit Naalakkersuisunit aalajangersarneqartut malittarisassat malillugit pikkorissarnermik ingerlataqarpat. Tamanna suliassat annertussusaannik pisariusuunerinillu atuarfimmi mikinerusumik ikinnerusunik atuartulimmi ilinniartitsisoqartumilu annikinnerunerinik naliliinermut ataqatigiissillugu isigineqassaaq, tamannalu aamma allaffissornikkut suliassanik ikinnerusunik kinguneqassalluni.

Atuortunut 95-inut ikinnerusunut killiliinissaq toqqarneqarpoq, tassa allanut ataqatigiinnerni atorneqartut amerlassutsit pineqarmata. Tassunga atatillugu atuarfiit angissusaannut A-mut 54-it aamma 94-it akornanni atuortoqartunut suliassaqarfimmi isumaqatigiissummi atuuttumi atuarfiup mikinersap angissusaanut innersuussisoqarpoq. Tassunga tunngatillugu oqaatigineqassaaq pisortap piginnaasai annerusumik sulisunut naleqqiullugu attuumassuteqarmata, tassunga pingaartumik taakku amerlassusiinut. Atuartut amerlassusiinut killiliinermut tunngaviusoq tassaavoq atuarfimmi pineqartumi ilinniartitsisut sulisullu allat atuartut amerlassusiinut naapertuunnerat naatsorsuutigineqarnera.

Kiisalu aamma siunnersuut § 1, nr. 17-19-imi tamatuma kingunerisaanik naqqiissutinik aalajangersagaqarpoq.

Kiisalu siunnersuummi § 2, imm. 1-imit takuneqarsinnaalluni siunnersuut ulloq 1. januar 2022-mi atuutilissasoq, akerlianilli atuortitsissutit allanngortinnerinut tunngasut aalajangersakkat aatsaat ulloq 1. august 2023-mi atuutilissallutik atortussat pisariaqartut piareersarneqarnissaat eqqarsaatigalugu. Tassunga atatillugu siunnersuummi § 2, imm. 2-mut innersuussisoqarpoq. Peqatigisaanik § 2, imm. 3-mit takuneqarsinnaavoq atuarfimmi pisortatus ilinniartitaaneq pillugu piumasaqaatit aatsaat 1. januar 2023-miit atuutilissasut, tamannalu ulloq 1. januaar 2023 atuarfiup pisortaatus atorfinitsinneqartunut piumasaqaatit atuutissanatik.

3. Pisortanut aningaasaqarnikkut allaffissornikkullu kingunissai

Siunnersuummi atuortut amerlassusaat pillugu § 1, nr. 1, namminerme aningaasatigut allaffissornikkulluunniit kinguneqassanngilaq. Apeqqt taanna aatsaat pingaaruteqalissaaq

klassimi atuartut amerlanerpaaffissaasa ikilisinneqarnerat pillugu malittarisassanik aalajangersaasoqartussanngorpat. Allatigut UKA 2019/127-mik Inatsisartut suliarinninnerannut aamma § 37 tunngavigalugu apeqqutip 2019-242-p akissutaanut innersuussisoqarsinnaavoq. Tassunga atatillugu aningaasaqarnikkut allaffissornikkullu kinguneqartitsisinnaasut arlallit eqqaaneqarput, tassunga ilaatigut ilanngullugit klassini tamani 18-it sinnerlugit atuartullit klassinut mikinerusunut marlunnut agguarneri nuna tamakkerlugu immikkut klassinik 118-inik pilersitsinissamik pisariaqartitsinermik kinguneqarsinnaaneri. Peqatigisaanik eqqaaneqarpoq nuna tamakkerlugu ilinniartitsisutut atorfinnik nutaanik 62-inik tamatuma maannakkut kinguneqarsinnaanera, tamatumalu nuna tamakkerlugu ukiumut 25 mio. kr.-ngajannik akissarsianut aningaasartuutit qaffannerinik kingunerissalluni. Taamaattorli tunngavigisat pigineqartut tunngavigalugit aningaasartuutaasinnaasut qaffasissusissaannik naliliisoqarsinnaanngilaq, piginnaatitsissutaasinnaasup iluatiginissaa pillugu suli pilersaaruteqanngimmat. Tassunga ilanngutissaaq tamatuma iluaqutigineratigut iluaqutiginiakkat annertussusia pillugu apeqqummut aamma isummertoqartussaassaaq.

Soorlu siunnersuummi ersittoq siullertut pineqarput iluarsiiisutit aamma naleqqussaanerit, malittarisassanut maanna atuuttunut sanilliullugu.

Atuartsissutini oqaluttuarisaanermi aamma sumiiffimmi toqqagassani allannguutitut unammilligassat siulliit tassaapput allaffissornikkut malittarisassanik, ilikkagassat pilersaarutinik aamma ilinniutinik allannguilluni nutaanik suliaqarnerit. Ilutigitillugu oqaatigineqassaaq oqaluttuarisaanerup fagitut ilikkagassatut immikkoortut aaqqissuussivigineqarnerata kingunerisussaannngimmagu fagimi tassani misilitsittoqartarnissaa, taamaattumillu aningaasartuuteqarnerulersussaannani misilitsittarnernut, censorinut il.il. Tamatumunnga ilutigitillugu oqaatigineqassaaq oqaluttuarisaanerup fagitut ilikkagassatut immikkoortut aaqqissuussivigineqarnerata kingunerisussaannngimmagu fagimi tassani misilitsittoqartarnissaa, taamaattumillu aningaasartuuteqarnerulersussaannani misilitsittarnernut, censorinut il.il. Taamatuttaaq pineqarput suliassat Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfimmit aamma Ilinniartitaanermut Aqutsisoqarfimmit nalinginnaasumik suliassaasut. Suliassat tamakkua naatsorsuutigineqarpoq naammassineqarsinnaasut maanna aningaasaliisutit killiliussaasut iluanni. Taamaaqataanik atuartsissutini tamani pissusissamisoortuni digitalikkut perorsarsimanerup digitalikkullu pissusilersornerup ilanngunneqarnerinut naleqqiullugu atuulluni, tak. siunnersuummi § 1, nr. 4, aamma § 1, nr. 10-mi teknologiip paasineqarnera atuartsissutitut qinigassaanera.

Aammattaaq siunnersuummi atuarfinni tamani ikiuineri atassuteqarfissamik pilersitsineq pillugu § 1, nr. 15-imi aalajangersagaq naatsorsuutigineqarluni ullumikkut taamatut aaqqissuussinermik pilersitsivigineqarsimannngitsuni atuarfinnut tunngatillugu aningaasatigut kinguneqarnissaa assersuutigalugu isumaginninnermik siunnersortimik imaluunniit meeqqanut artorsaateqartunik suliaqarnermut naleqqiullugu misilittagalimmik piginnaasaqartumik inummut isumalluummik allatigut ilinniarsimasumik inuttullu

piginnaasalimmik. Atuarfinni taakkunani isumaginninnermik siunnersortimit atorfinitsitsinikkut ikiuinnermi atassuteqarfissamik pilersitsisoqassappat tamanna isumaginninnermut siunnersortimut ataatsimut 400.000 kr.-t missaannik akissarsianik kinguneqartitsissasoq imaluunniit pineqartup ilinniarsimanikkut tunuliaqutaa piginnaasaalu apeqqutaatillugit allatigut akissarsiatigut aningaasartuuteqartitsissasoq. Tassungali atatillugu peqatigisaanik malugeqquneqarluni suliassap isumagineqarneratigut atuarfinni tamani tassunga inummum atorfinitsitsisoqarnissaa pinngitsoorani tunngavigineqassanngimmat. Suliassaq taamaalilluni atuarfinnik arlalinnik sammisaqartumik inummik ataatsimik arlalinnilluunniit isumagineqarsinnaalluni. Aammattaaq suliassaq sulisunit atorfeqareersunit pisariaqartunik piginnaasaqartunit isumagineqarsinnaavoq. Kommunit arlaqartut aaqqissuussinnermik pineqartunik pilersitsereerput, taamaattumillu aalajangersagaq pissusiviusunut naleqqussaantut isigineqassalluni.

Atuarfiup pisortaa siunissami atorfinitsitsinnermi atuarfiup pisortaatut ilinniartitaanermik aamma naammassisaqarsimanissaa pillugu siunnersuummi § 1, nr. 21-mi aalajangersagaq eqqarsaatigalugu aalajangersakkap piviusunngortinnera naatsorsuutigineqarpoq siumoortumik erseqqinnerusumik aalajangersarneqarsinnaanngitsunik akissarsiatigut isumaqatigiissutitigut kinguneqarsinnaasoq. Aalajangersagaq atuarfinni pisortanut atatillugu kommunini ataatsimut aningaasartuutunik katillugit kr. 576.000 kr.-inik kinguneqarsinnaavoq atuarfiit pisortaanut tamanut atatillugu. Aningaasalli piviusumik annikinneerarsuussapput, atuarfinni pisortat arlaqartut pikkorissutsimut tapisianik pineqartunik pisartagaqareermata pikkorissartarsimanernik assigiinngitsunik tunngaveqartunik.

Peqatigisaanik oqaatigineqassaaq Iisimatusarfimmi Ilinniartitaanermik ilisimatusarfimmi ukiuni pingasuni ingerlanneqartumi allagartartaarluni ilinniartitaanermik atuarfimmi pisortassanik ilinniartitaanermik neqerooruteqarmat. Taamaattumik periarfissaqassaaq Namminersorlutik Oqartussat ilinniartitaanernut ingerlatsiviisigut pikkorissaqqittarnissamut. Peqatigisaanik oqaatigineqassaaq siunnersuummi aalajangersarneqarmat kommunalbestyrelsit isumasioerernerisigut malittarisassanik Naalakkersuisunit aalajangersarneqartumik atuarfiup pisortassaanik ilinniartitaaneq pineqarmat. Tamatuma kingunerisinnaavaa allagartartaarluni ilinniartitaanermik eqqaaneqartumit ilinniartitaanermit allamik imaqaarnissaa aamma allamik sivisussuseqartumik aaqqissuunneqartumillu kinguneqarsinnaavoq. Tamanna tunngavigalugu kikkut ilinniartitaanermik neqerooruteqassanersut suli aamma aalajangersarneqanngilaq. Tamanna pissutigerpiarlugu atuarfiup pisortassaatut ilinniartitaanerup allap aningaasatigut sunik kinguneqarsinnaanera maannakkut aamma oqaatigineqarsinnaanngilaq, Naalakkersuisut kommunillu aaqqissuussinnermik pineqartutut pilersitissagaluarpata.

Peqatigisaanik oqaatigineqassaaq malittarisassamut ilaatinneqanngimmat pisortatut ilinniarsimannngitsumik atuarfiup pisortaanik atorfinitsitsineq, atuarfiup pisortaatut atorfinitsinneqareernermit kingusinnerpaamik ukiut pingasut kingorna atuarfiup pisortaatut ilinniartitaanermik naammassisaqartut. Malittarisassaaq aamma atuarfinni mikinnerusuni atuarfinni pisortanut atuutinngilaq, taakku allatigut pisortatigut piginnaasaqarnerat

akilerneqarsimappat imaluunniit Naalakkersuisut aalajangersagaat malillugu pikkorissarnermik naammassisaqarsimappata.

4. Inuussutissarsiortunut aningaasarsiornikkut allaffissornikkullu kingunissai

Inuussutissarsiortunut aningaasatigut allaffissornikkullu kinguneqarnissaa naatsorsuutigineqanngilaq.

5. Avatangiisinut, pinngortitamut inuillu peqqissusaannut kingunissai

Inatsisissatut siunnersuut avatangiisinut, pinngortitamut innuttaasullu peqqissusiannullu kinguneqassanngilaq.

6. Innuttaasunut kingunerisassat

Siunnersuut meeqqat atuarfiannut inatsimmi iluarsiiisutit atuartunut aamma ilinniartitsisunut atuisutut piuminarnerulissasoq naatsorsuutaavoq.

7. Siunnersuutip kingunerisinnaasai pingaarnerit allat

Inatsisissatut siunnersuut allatigut pingaarutilinnik kinguneqassanngilaq.

8. Pisortanik aamma kattuffinnik il.il. tusarniaaneq

Inatsisissatut siunnersuut piffissami 14. december 2020-miit 12. januar 2021-mut ukununnga tusarniaassutigineqarpoq:

Siunnersuummi aalajangersakkanut ataasiakkaanut nassuiaatit

§ 1-imut

Nr. 1-imut

Aalajangersakkap § 6 atuuttoq immikkoortunut marlunnut avippaa, taamaalilluni imm. 1-ip klassimi atuartut amerlassusiisa amerlanerpaaffissaat atuuttoq ingerlatiinnarlugu aalajangersakkami imm. 2-mik ilassuteqarluni, taanna naapertorlugu imm. 1-imi klassimi ataatsimi atuartut amerlassusiisa amerlanerpaaffissaasa ikilisinneqarnissaat pillugu malittarisassamik ikkussisoqarluni.

Allatigut oqaatigineqassaaq atuartut amerlassusiisa amerlanerpaaffissaannik kommunalbestyrelsi ullumikkut saneqqussisinnaareermat. Inatsisit atuuttut naapertorlugit taamaalilluni atuarfiup ilusaanik aalajangersaanissamut kommunalbestyrelsi nammineq aalajangiisussaavoq, tassunga ilanngullugit pisariaqartitsinerit nukissallu pigineqartut aallaavigalugit klassit aamma klassimi imaluunniit immikkoortuni atuartut amerlassusissaat. Inatsisit atuuttut marlunnik ilinniartitsisoqarnerup allatigulluunniit ikorfartuisunik atuinissaq aamma ajornartinnigilaat, assersuutigalugu klassip angissusaa imaluunniit atuartut katitigaanerat tamatuminnga pissutissaqartitsippat.

Imm. 2 piginnaatitsinermik aalajangersakkatut oqaasertalerneqarpoq, taannalu malillugu nalunaarusiornikkut, atuartut ilikkagaqarnissaat atugarissaarnerallu tamatuminnga pissutissaqartitsippat, klassimi atuartut amerlassusiisa amerlanerpaaffissaannik ikililerineq pillugu malittarisassanik aalajangersaasoqarsinnaalluni. Eqqarsaatigisassat taakku klassip inaata angissusaanni sinaakkusiussanut tunngasuusinnaavoq, taamaalilluni atuartut ikittuunissaat tulluarnerulluni. Aamma perorsaanikkut eqqarsaatigisassat allat pineqarsinnaapput klassinik mikinerusunik pilersitsineq iluaqutaasinnaalluni, imaluunniit assersuutigalugu atuartut katitigaanerisa pisariaqartilerlugu klassimi atuartut ikinnerusariaqarnerat. Piginnaatitsissut assersuutigalugu atuartitsinerup pitsaassusaa eqqarsaatigalugu tamanna pisariaqartinneqarpat atuartut amerlassusiisa amerlanerpaaffissaat ikilisinneqarnissaa pisuni aalajangersimasuni malittarisassanik aalajangersaaneq atorneqarsinnaalluni.

Nr. 2-mut

Maanna aalajangersakkami allassimalerpoq oqaluttuarisaaneq avissaartinneqassasoq atuartitsissutitut immikkoortutut, taamaasillunilu oqaluttuarisaaneq inuiaqatigiilerinermiit peerneqarluni.

Nr. 3-mut

Aalajangersakkap kinguneraa atuartitsissutit qanitariissut sumiiffinni toqqagassatut taaneqarsimasut peerneqarneri, taarserneqarpullu mernguernartulerinermi atuartitsissutinik qanitariissunik, soorluttaaq aalajangersakkap nalunaaraa atuartitsissutit suut atuartitsissutit qanitariit taarserneraat. Taamaasilluni atuartitsissutit pineqartut tassaalerput qitiusumiit aalajangersakkatut pinngitsoorani atuartitsissutigineqartussat. Ilutigisaanillu allannguinerup kinguneraa erseqqissaaneq atuartitsissutit ataasiakkaat sunik imaqarnerinik. Timersornermut, nipilersornermut eqqumiitsuliornermut aamma assessorluni ilusilersuinernullu perorsaanikkut pissutsinik tunngaveqartumik ersarilluinnartumik nalunaarneqarpoq sammisat suut atuartitsissutit imarineraat.

Nr. 4-mut

Aalajangersakkamit takuneqarsinnaavoq maannakkut erseqqissarneqartoq teknologiimik paasinninneq, digitalimi perorsarsimassuseq aamma digitalimmi pissusilersorneq qarasaasialerinermut ilaasut. Aalajangersagaq paasisariaqarpoq atuartut qarasaasiap atornissaa ilinniassagaat, tassunga ilanngullugit teknologiimik paasinninneq, digitalimi perorsarsimassuseq aamma digitalimmi pissusilersorneq, atuartitsissutini tamani atuartitsinermi sakkutut. Teknologiimik paasinninneq, digitalimi perorsarsimassuseq aamma digitalimmi pissusilersorneq taamaattumik ataqatigiinnerni tamani pissusissamisoortuni qaqinneqassapput, assersuutigalugu qinngasaarinermut, upperisarsiornermut, ileqqorissaarnermut, inuiaqatigiilerinermut, pissarsiffiusunut isornartorsiunermit il.il. naleqqiullugu. Teknologiimik paasinninneq, digitalimi perorsarsimassuseq aamma digitalimmi pissusilersorneq taamaalilluni atuartitsissutini ataasiakkaani ilinniarnermi

pilersaarutitut ilanngunneqassallutik. Qarasaasialerineq, tassunga ilanngullugit teknologiimik paasinnineq, digitalimi perorsarsimassuseq aamma digitalimmi pissusilersorneq, ilinniartitaanerit, suliffeqarfinni inuiaqatigiinnilu allani ataqatigiinnernut tamanut ilaammat, tamanna aamma atuarfiup atuartitsineranit takuneqarsinnaassaaq.

Nr. 5-imut

Aalajangersagaq pisut kingunerisaannik iluarsissutaavoq, tassaalluni Inatsisartut inatsisaanni atuuttumi § 10, imm. 1, nr. 5-imi immikkoortup kingullersaanik ingerlatitseqqinneq, taamaasillunilu aalajangersagaq maanna nipeqalerluni ”pisinnaasumik-aalajangersagaalluni”. Aalajangersakkami sammisassat assigiinngitsut mernguernartuleralluni atuartitsinermit ilanngunneqarsinnaasut nalunaarneqarput.

Allannguinerullu kinguneraattaq inuussutissarsiutitut sammivilimmik ingerlatsisarnerit aalajangersakkamit peerneqarnerat, tamannalu pissuteqarluni taamaattut inuttut ineriartornermik ingerlatsinermit suliassatut isigineqarnerat, mernguernartulerinermilu suliassanut ilaanatik.

Aalajangersagarlu tamakkua ilutigisaannik § 10-mi normulersuinermit naqqiutitit imaqarpoq.

Nr. 6-imut

Aalajangersakkami nalunaarsorneqarput atuartitsissutit suut nukarlerni mernguernartulerinermi ilaatinneqarnerisut.

Ilanngullugulu oqaatigineqarsinnaavoq atuartitsissutit illumi suliassanik ilinniarnermi piginnaasanut tunngasoq nukarlerni ilaanngimmat, tamatumanilu pissutaalluni alloriarfimmi tassani atuartitsissutit amerlavallaarnissaat kissaatigineqanngimmat. Aalajangersagaq aamma ima paasineqassaaq, nipilersornermit assassornermit ilusilersuinermit atuartitsissutit akornanni ingerlanneqartassasoq.

Nr. 7-imut

Aalajangersakkap nalunaarppaa atuartitsissutit suut akullerni mernguernartulerinermi ilaanersut.

Nr. 8-mut

Aalajangersagaq nutaajuvoq akullernilu mernguernartulerinerup aaqqissuunneqartarneranut tunngalluni.

Aalajangersagaq aamma allannguutit malitsigisaannik immikkoortunik normulersuinermit naqqiissutitaqarpoq.

Nr. 9-mut

Aalajangersakkap nalunaarpaa atuartsissutit suut angajullerni mernguernartulerinermi ilaanersut. Tassalu taamaallaat pineqarput atuartsissutit pinngitsoorani atuartsissutaasussat marluk, soorluttaaq aalajangersakkap kingunerigaa timersorneq alloriarfinni tamani pinngitsoorani sammineqartartussaasoq.

Nr. 10-mut

Aalajangersakkap nalunaarpaa atuartsissutit suut angajullerni neqeroorutigineqarsinnaanersut. Ilanngullugulu aalajangersakkap immikkoortuata aappaanni mernguernartulerinermi sumiiffimmi periarfissat ilanngunneqarsinnaanerat ammaappaa. Aammattaaq takuneqarsinnaalluni, tak. tamanna pillugu siunnersuummi nalinginnaasumi nassuiaatit, digitalimik paasinnineq, ilaatigut digitalimi perorsarsimaneq aamma digitalimi pissusilersorneq ilaallutik, atuartsissutit qinigassatut neqeroorutigineqarsinnaasoq. Qinigassatut atuartsissuummi aamma assersuutigalugu digitalikkut pissusilersorneq, il.il. ilaapput.

Nr. 11-mut

Aalajangersagaq allannguutit kingunerisaannik naqqiissutaavoq tamannalu peqquteqarpoq nr. 5-i atuuttoq mernguernartulerinertut atuartsissutinut qanitariissunut aalajangersakkami taaneqartunut allanut nalogiissinneqarmat, Naalackersuisullu mernguernartulerinermut ilikkagassatut pilersaarutinik aamma suliaqartartussaammata.

Nr. 12-imut

Siunnersuummi nr. 14-ip malitsigisaanik aalajangersagaq allannguutit kingunerisaannik naqqiissutaavoq. Maannakkut takuneqarsinnaavoq kapitalimi ilinniartitsisut kisimik pineqangitsut, kisianni aamma sulisut allat.

Nr. 13-imut

Siunnersuutip § 1, nr. 5-ip malitsigisaanik naqqiut pineqarpoq, taava § 10-mi nutaamik imm. 4-qalerpoq imaalillugu maanna imm. 4-7 atuuttut, imm. 5-8-mut allanngortinneqarlutik.

Nr. 14-imut

Aalajangersakkami siunnersuummi § 1, nr. 15-imi ikiuinermi atassuteqarfissami taaneqartuni atorfinitsinneqartunut sulisunut piukkunnaatitigut piunasaqaatit allanneqarput. Aalajangersakkamit takuneqarsinnaavoq inuttut attaveqarfigisassatut aqqissuussinermi atorfinitsinneqarnissamut aalajangersimasumik ilinniartitaanikkut tunuliaqutaqarnissaq aalajangiisuunngitsoq. Akerlianilli aalajangiisuulluni ikiuinermi atassuteqarfissap isumagisassaannik suliassanik pineqartup suliaqarsinnaaneranut ilinniarsimaneq imaluunniit piginnaasatigut tunuliaqutaqarneq pineqarluni.

Kommuneqarfik Sermersuup tusarniaanermi akissutaa tunuliaqutaralugu ilanngunneqarpoq ikiuinermi atassuteqarfissami inuit assingusumik ilinniartitaanikkut tunuliaqutaqartut kisimik

sulisinnaangitsut. Aalajangersagaq taamaalilluni imatut allanngortinneqarpoq inuup suliassamik isumaginnissinnaalerneranut piukkunnalerneranut pineqartoq assingusumik ilinniartitaanikkut piginnaasaqarnikkulluunniit tunuliaqutaqartussanngorluni.

Assersuutigalugu isumaginninnermi sulinermi siunnersuinnermilu ukiorpassuarni misilittagaqarneq pisut malillugit inuttut attaveqarfigisassatut aaqqissuussinerup isumaginissaanut aamma piukkunnaateqarsinnaalluni.

Peqatigisaanik aalajangersakkami pineqarpoq § 35, imm. 5-imi atuuttoq imm. 6-inngortoq.

Nr. 15-imut

Aalajangersakkami ikiuinnermi atassuteqarfissamik pilersitsinissaq ingerlatsinissarluk pillugu kommunalbestyrelsimut pisussaaffik allanneqarpoq. Attaveqarfigisassatut aaqqissuussineq pilersinneqassaaq atuafinni tamani siunnersuummi nr. 14-imi taaneqartut piukkunnaateqartut atorfinitsitsinerit imaluunniit inummik toqqaanerup qulakkeerneqarneratigut, meeqqanik tamatumunnga pisariaqartitsisunik sillimasussaq. Aalajangersakkamit peqatigisaanik takuneqarsinnaavoq ikiuinnermi atassuteqarfissami suliatigut unammillernartunik suliaqarnissaq siunertaanngitsoq, kisianni atuartup ulluinnaanik sunnuteqartut ajornartorsiutit allat aamma naammaginartumik atuarfimmi ingerlanissap qulakkeerneqarnissaanut atuartup periarfissaanik ajornartorsiortitsisinnaasut. Ikiuinnermi atassuteqarfissaq naatsorsuutigineqarpoq atuarfik pitsaasumik angusaqarfiusumik naammassinissaanut atuartup ikiorneqarnissaa siunertarlugu taamatut ajornartorsiutit qulaajaaffiginissaat oqaasertalernissaallu.

Atassuteqarfissaq meeqqanik inuusuttunillu atugarliortunik ikorfartorneqarnissamik immikkut pisariaqartitsisunik siullermik atuartunut sammigaluartoq atuarfimmi atuartunut tamanut atuartitsissutinut annerusumik samminngitsunik ajornartorsiutinik misigisaqartut atugaqartullu pillugit neqeroorut pineqarpoq.

Tassani pineqarsinnaapput qinngasaarinnermut, atonerluinnermut, pinerluttulerinnermut il.il. tunngasut ajornartorsiutit imaluunniit atuartup angerlarsimaffianut attuumassuteqartut ajornartorsiutit. Tassunga atatillugu naatsorsuutigineqarpoq ikiuinnermi atassuteqarfissaq pisut aalajangersimasut aallaavigalugit kommunimi isumaginnittoqarfik suleqatigeqqissaarlugu pisariaqartutigullu atuartoq pillugu suleqatigiittoqassasoq.

Aalajangersakkap aaqqissuussinerup pilersinneqarneranut suliffeqarnikkut piunnaasaqateqannginneq ingerlatiinnarpaa, tamanna kommunalbestyrelsip piginnaasaanut isumagisassanngortinneqarluni. Tamatumunnga ilaatigut ilaavoq aaqqissuussinerup meeqqat atuafiini ataasiakkaani qanoq inissinneqarnissaa aaqqissuussinerullu inuttaqarnikkut aaqqissuunneqarnissaa pillugu apeqqut siunnersuummi nr. 14-imi eqqaaneqartut piginnaasaqarnikkut piunnaasaqatit eqqaassanngikkaanni.

Aalajangersagaq taamaalilluni assersuutigalugu aaqqissuussinermik pilersitsineq taanna malillugu atuarfinni arlalinni inuk ataaseq arlallilluunniit suliffigisaannut akornusiingilaq, tassa assersuutigalugu ulloq naallugu atorfiunissaa pillugu piumasaqaateqanngimmat.

Nr. 16-imut

Siunnersuutip § 1, nr. 5-ip malitsigisaanik naqqiut pineqarpoq, taava § 10-mi nutaamik imm. 4-qalerpoq imaalillugu maanna imm. 4-7 atuuttut, imm. 5-8-mut allanngortinneqarlutik.

Nr. 17-imut

Aalajangersagaq siunnersuutip § 1-ip nr. 19-iani allannguuteqarnera pequtigalugu allanngortitaavoq.

Nr. 18-imut

Aalajangersagaq siunnersuutip § 1, nr. 3, 6, 7 aamma 9-ani allannguuteqarnera pequtigalugu allanngortitaavoq, maanna atuartitsissutit qitiusumit aalajangersagaasalermata.

Nr. 19-imut

Tassani pineqarpoq allannguutit kingunerisaannik naqqiissut, atuartitsissutit tamarmik, aalajangersakkanut innersuussisut maannakkut § 10, imm. 1-imut ilaammata. Ilinniarnissamut pilersaarutini piginnaasaqarneq pillugu aalajangersagaq atuuttoq ilinniarnissamut pilersaarutip aaqqissugaanera tunngavigalugu isigineqassaaq, atuartitsissutini atuartitsissutinilu imminnut qanittuni tamanut ilinniartitsinermik pilersaarutit pituttuisut Naalackersuisunit piareersarneqarlutik najukkami qinigassat minillugit, taakkunungali ilassutit aamma najukkami qinigassanut ilinniartitsinermut pilersaarutissanut pilersaarutit atuarfimmi siulersuisuniit tassunga siunnersuut malillugu kommunalbestyrelsimit akuerineqartarlutik. Atuartitsissutinik atuartitsissutinillu qanitariissunik kommunalbestyrelsi aalajangersagassaarummat aalajangersagaq ”-sinnaavunngorlugu” allanngortinneqarpoq – taassumalu kingorna atuarfiup siulersuisui ilikkagassatut pilersaarutinut, maanna Naalackersuisunit tamakkiisumik aalajangersarneqartalersunut kommunalbestyrelsimut pilersaarutinut ilaassutissanik siunnersuusiortussaajunnaarlutik siunnersuusiorsinnaalerput.

Nr. 20-mut

Aalajangersakkami atuarfiup pisortaata pingaarnertigut akisussaaffia pineqarpoq.

Atuarfiit pisortaasa akisussaaffigaat sinaakkutit kommunalbestyrelsit aalajangigaasa iluanni atuarfiup siunertaa atuarfimmi ingerlatsinermi eqqortinneqassasoq. Atuarfiup pisortaa ilaatigut ilinniartitsisut atuartitsineranni peqataasarnikkut ajornartorsiutaasinnaasullu aaqqinniarlugit ilinniartitsisut suleqatigalugit atuarfimmi sunik pisoqartarneranik malinnaanissamut pisussaaffeqarpoq. Atuarfiup pisortaa perorsaanermik allaffissornermillu aqutsisuuvoq, tamannalu isumaqarpoq atuartut atuartitsinermik malinnaasarnersut pisortap aamma nakkutigissagaa. Atuarfimmi siulersuisui aamma nakkutilliinerminnut ilagitillugu akuerineqanngitsunik takkutinnngitsoortarnerit il.il. pillugit paasissutissanik piniartassapput.

Atuarfiit pisortaat taamaalillutik taakkuupput atuarfinni allaffissornermik perorsaanermillu aqutsisut. Atuarfiup pisortaa taamaaliornikkut qulakkiissavaa ilinniartitsisut atuartitsinermik pilersaarusiussasut aaqqissuillutillu, taamaalilluni atuartut tamarmik unammilligassaqartinnissaannik tamanna imaqaassalluni, takuuk § 48 imm. 2, nr. 2, aammalu atuartitsisarnerit ataqatigiissarneqassallutik. Taassuma saniatigut atuarfiit pisortaat atuarfiit siulersuisuini allattaapput, tamannalu isumaqarpoq atuarfiit pisortaasa atuarfiit siulersuisuini aalajangiinissamat tunngavissaliussasut, atuarfiillu pisortaasa atuarfiit siulersuisuisa najoqqutassiaasa aalajangigaasalu piviusunngortinnissaat isumagissavaat.

Atuarfiup ingerlatsinera pillugu aalajangikkani inatsisit malinneqarnerat aamma sinaakkutit najoqqutassiallu kommunalbestyrelsit atuarfiillu siulersuisuisa aalajangigaasa iluaniinnissaat atuarfiup pisortaata aamma akisussaaffigai.

Atuarfiit pisortaat isumaqarunik atuarfiit siulersuisuisa aalajangigaanni inatsisit unioqqutinneqartut imaluunniit kommunalbestyrelsit sinaakkusiaasa avataaniittut aalajangikkat piviusunngortinneqannginnissaanik pisortat pisussaaffeqarput, taamaattoqarpallu inatsisinik unioqqutitsinerunngitsumik namminneq aalajangiinitik atuutilersissallugit.

Atuarfiit pisortaat tassunga peqatigitillugu perorsaanermut siunnersuisoqatigiinni ilaasortaapput.

Nr. 21-mut

Aalajangersagaq nutaajuvoq tassaallunilu Inatsisartut inatsisaata § 48, imm. 1, oqaaseqatigiit aappaat atuuttoq, atuarfiup pisortaatus ilinniartitaaneq pillugu malittarisassamik nutaamik ilasimasoq.

Aalajangersakkami atuarfiup pisortaatus sulinissamat piukkunnaatitigut piumasaqaatit tamarmik aalajangersarneqarput. Imm. 1 tamatuma kingorna aalajangersakkamat pingaarnertut malittarisassaalerpoq, imm. 2 aamma 3 tassaalerlutik immikkut akuersinissamat periarfissiisut.

Imm. 1-imit takuneqarsinnaavoq atuarfiup pisortaa ilinniagaqarnermi ilinniartitsisutut tunuliaquteqassasoq. Taamaalilluni piumasaqataavoq pisortat atuartitsinermik piginnaasaqassasut. Taamaalilluni qulakkeerneqarpoq pineqartoq atuarfimmi ataatsimi pisortatus aamma perorsaanikkut atuartitsinikkullu sulianut akisussaanera.

Peqatigisaanik pineqartup aamma atuarfiup pisortaatus atorfinitsinneqarnissamat piumasaqaatit atuarfiup pisortaatus ilinniagaqarsimanissaa pillugu piumasaqaat aalajangersarneqarpoq.

Tamatuma kingorna kommunalbestyrelsit namminneq nalilersussavaat taamatut atorfirmut qinnuteqartut atuarfinni allaffissornikkut perorsaanikkullu aqutsinissamut pisariaqartunik piginnaasaqarnersut.

Aalajangersagaq peqatigisaanik Naalackersuisunut pisussaaffiliivoq, taanna malillugu Naalackersuisut nalunaarusiakkut atuarfiup pisortaatus atorfeqarsinnaanermut piumasaqaatit atuarfiup pisortaatus ilinniartitaaneq pillugu malittarisassanik aalajangersaassallutik. Peqatigisaanik aalajangersakkamit takuneqarsinnaavoq kommunalbestyrelsit sulisitsisutut inissisimanertik pissutigalugu atuarfiup pisortaatus ilinniartitaaneq pillugu malittarisassanik pineqartunik piareersaanermut atatillugu ilanngutitneqarsinnaapput. Kommuneqarfik Sermersuumit aamma Ilisimatusarfimmiit tusarniaanermi akissutip nanginneratut tulluartsuorineqarpoq aalajangersakkap atuutilernissaa ulloq 1. januar 2023-mut kinguartinneqarpat. Taamaaliornikkut kommunit isumasioreerlugit Naalackersuisut iliniartitaanerup ingerlanissaata aalajangersarnissaanut pisariaqartumik piffissaqassapput, ukiut pingasut iluanni naammassineqarsinnaasoq.

Nalunaarusiaq pisortatus ilinniartitaanerup sivisussusaa, anguniakkat, imarisaa, tiguneqarneq, ilinniartitsisutut piukkunnaatit nalilersuinerlu pillugit malittarisassanik imaqarsinnaavoq. Tassunga atatillugu atuarfiup pisortaatus ilinniartitaaneq pillugu ilinniarnissamut aaqqissuussinermik suliaqarnissaq pillugu malittarisassanik aalajangersaasoqarsinnaavoq, assersuutigalugu perorsaanikkut suliniaqatigiiffinni pisortanut suleqatigiinnillu aqutsisunut sammitinneqartumik, tassunga ilanngullugu ilinniartitaaneq aqutsinikkut aaqqissugaanikkullu nalinginnaasumik atuagarsornermik aamma ilikkarnissamik, atugarissaarnermik perorsarsimanermillu suliaqartunik aaqqissuussinernut tunngasut atuagarsorerit. Aammattaaq aqutseriaatsini periusissanilu assigiinngitsuni aamma sammisassani attuumassuteqartuni allani ilinniarnissamullu pisariaqartitani atuartitsinissaq pillugu piumasaqaateqartoqarsinnaavoq.

Piginnaatitsissut aamma aalajangersakkami imm. 2, oqaaseqatigiit aappaanni immikkut akuersinissamut periarfissamut ilassutaasumik immikkut akuersinissamut aalajangersakkamik ikkussinermut atorveqarsinnaavoq. Taamaalilluni aamma tamanna pillugu qinnuteqaateqarnikkut Naalackersuisut akuerisinnaallugu ilinniartitaanerup naammassineqarnissaa pillugu piumasaqaat, immikkut pissutsit tamatumunnga pissutissaqartitsippata, ukioq ataaseq sinnerlugu kinguartinneqarsinnaanera pillugu malittarisassamik ikkussisoqarsinnaalluni.

Aammattaaq aalajangersakkami imm. 2-mit takuneqarsinnaavoq pisortatus ilinniartitaaneq pillugu imm. 1-imi pingaarnertut malittarisassaq saneqqunneqarsinnaasoq, atuarfiup pisortaa piffissap atorfinitsiffiusup kingorna kingusinnerpaamik ukiut pingasut ingerlareernerup atuarfiup pisortaatus ilinniartitaanermik naammassisaqarsimanngippat. Aalajangersakkap kinguneraa atuarfiup pisortaatus ilinniartitaaneq pineqartup atuarfiup pisortaatus atorfinitsinneqarneraniit kingusinnerpaamik ukiut pingasut qaangiutsinnagit

naammassisimassagaa. Tamanna taamaalilluni atorfinitsitsinermi piumasagaataassaaq. Tamatuma kingunerisaanik atorfinitsitsinermit isumaqatigiissut atorunnaarsinneqassaaq, pineqartup piffissamit atorfinitsiffiusumiit kingusinnerpaamik ukiut pingasut qaangiutinnginnerini atuarfiup pisortaatut ilinniarnermik naammassisaqarsimangippat.

Kommuneqarfik Sermersuumiit aamma Iisimatusarfimmiit tusarniaanermi akissutit tunuliaqutaralugit tulluurtutut isigineqarsimavoq piffissamit atorfinitsinneqarnermiit kingusinnerpaamik ukiut pingasut kingorna atuarfiup pisortaatut ilinniarnermik atuarfiup pisortaa atorfinitsinneqarsimasoq naammassinissimangippat immikkut pisut akuerinissaat siunertaralugu Naalakkersuisunut immikkut akuersisoqarnissaanut piginnaatitsissutip ikkunneqarnissaa. Tassunga atatillugu aalajangersimasumik nalilerneqassaaq pisut suut ukiunik pingasunik piffissaliinerup ukioq ataaseq tikillugu sivitsorneqarsinnaanersoq, pineqartup atorfirmik taamaalilluni qimatsinani. Tamanna pingaartumik ilungersunartumik napparsimasoqartillugu pissutsillu allat atuarfiup pisortata nammineq naatsorsuutigisinnaangisai pineqartillugit atuussinnaavoq.

Aammattaaq imm. 3-mit takuneqarsinnaavoq imm. 1-imi piumasagaat atuarfiup pisortaatut ilinniartitaaneq atuarfinni mikinerusuni atuarfiup pisortaatut atorfinitsitsinermit naleqqiullugu atuutissanngitsoq, atuarfiup pisortaa aqutsinikkut allatigut piginnaasaqarnera uppersarsarneqarsinnaappat, assersuutigalugu tamanna tassaasinnaalluni atorfinnit allaniit aqutsinikkut misilittakkat, tassunga ilanngullugit suliasaqarfiit allat. Aamma pineqartup siusinnerusukkat meeqqat atuarfiani pisortamut tullersortaasimasinnaavoq tassungalu atatillugu pisortatut sulisimalluni.

Atuartut 95-inik ikinneruneri aallaavigalugit atuarfik mikinerusoq pillugu nassuiaammut naleqqiullugu siunnersuut pillugu immikkoortoq 2b-mi siunnersuummi nalinginnaasumik nassuiaatini tamanna pillugu allatanut innersuussisoqassaaq.

Atuarfiup pisortaa aqutsinikkut allanik misilittagaqarsimaneq uppersarsarsinnaangippagu pineqartoq atorfinitsinneqarsinnaassaaq, pineqartoq Naalakkersuisunit aalajangersarneqartut malittarisassat malillugit pikkorissarnermik ingerlataqarpat, tak. aalajangersakkami nr. 2. Aalajangersagaq atuarfinni mikinerusuni atuarfinni pisortat pikkorissarnissaat pillugu malittarisassanik Naalakkersuisut nalunaarutikkut aalajangersaanissamut pisussaaffiat ilaqarpoq.

Nr. 22-mut

Siunnersuutip § 1, nr. 5-ip malitsigisaanik naqqiut pineqarpoq, taava § 10-mi nutaamik imm. 4-qalerpoq imaalillugu maanna imm. 4-7 atuuttut, imm. 5-8-mut allanngortinneqarlutik.

Nr. 23-mut

Nr. 22-imi allassimasut innersuussutigineqarput.

Nr. 24-mut

Nr. 22-imi allassimasut innersuussutigineqarput.

§ 2-mut

Aalajangersakkami siunnersuutip atuutilerfissaa allanneqarpoq.

Aalajangersakkami imm. 2 isiginiarneqassaaq allannguinerit pineqartut atuartitsissutini ilikkagassatut anguniagassanik nutaanik suliaqarnissanik, nalunaarusiornissamik, ilinniartitsissutissanut pilersaarusiornissanik aamma ilinniutinik suliaqarnissanik pisariaqartitsissammata.

Aalajangersakkami imm. 3 tassaavoq meeqqat atuarfianni atorfeqartunut atuarfiup pisortaatus ulloq 1. januar 2023 atuarfiup pisortaatus ilinniarsimanissaq piumasaqaataalernerani, ilinniarsimangitsut atuarfimmi pisortat eqqarsaatigalugit pisinnaatitaaffiit atuuttut ataqqineqarnissaat siunertaralugu oqaasertalerneqarpoq. Aammattaaq aalajangersakkamut tunngavilersuutigineqarpoq atuarfiup pisortaatus ilinniartitaaneq, ilinniartitaanerup pilersaarusiornera tamatumalu neqeroorutiginera pillugu malittarisassanik aalajangersaanermut naleqqiullugu piffissaq eqqarsaatigalugu tunngavilersorneqarluni.

Ilanngussaq 1

Siunnersuut inatsimmut atuuttumut sanilliullugu	
<i>Oqaasertaliussat atuuttut</i>	<i>Inatsisissatut siunnersuut</i>
	<p style="text-align: center;">§ 1</p> <p>Atuarfik pillugu Inatsisartut inatsisaanni nr. 15, 3. december 2012-imeersumi, Inatsisartut inatsisaatigut nr. 21, 13 november 2017-imi allanngortinneqartumi imatut allannguisoqassaaq:</p>
<p>§ 6. Klassimi ataatsimi atuartut amerlassusaasa ukiup atuarfiusup aallartinnerani 26 qaangissanngilaat.</p>	<p>1. § 6 imatut oqaasertalerneqarpoq: "§ 6. Klassimi ataatsimi atuartut amerlassusaasa ukiup atuarfiusup aallartinnerani 26 qaangissanngilaat, taamaattorli tak. imm. 2. <i>Imm. 2.</i> Atuartut ilikkartinnissaat atugarissaarnerallu eqqarsaatigisassat pingaarutillit tamatumunnga pissutissaqartitsippata klassimi atuartut amerlassusaasa amerlanerpaaffissaasa ikilisinneqarnissaat pillugu malittarisassanik</p>

	Naalakkersuisut aalajangersaasinnaapput."
2) kulturi inuiaqatigiillu tassaasut inuiaqatigiilerineq aamma upperisalerineq isumalioqqissaarnerlu,	2. § 10, imm. 1, nr. 2, § 11, imm. 2, nr. 2, § 12, imm. 1, nr. 2 aamma § 13, imm. 1, nr. 2 ima allanneqassaaq: "2) kulturimik inuiaqatigiillu pillugit sammisaqarnek, tassaallutik inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu,"
5) sumiiffinni ataasiakkaani ilinniartitsissutissatut toqqakkat mernguernartulerinerup iluaniittut, kiisalu kulturikkut, inuttut inooqatigiinnikkut inuutissarsiutinullu tunngassuteqartunik peqataanerit.	3. § 10, imm. 1, nr. 5 ima oqaasertalerneqassaaq: "mernguernartulerinerup iluaniippat atuartitsissutit illumi suliaassanik ilinniarneq, timersorneq tassani ilaalluni silami sammisaqartarnek, nipilersorneq tassani ilaallutik erinarsorneq, aalaneq aamma isiginnaartitsineq, eqqumiitsuliornek tassanilu ilaallutik illuliortaaseq aamma assassorluni suliat ilusilersuinerlu, tassani ilaallutik sananeq aamma assassorneq."
<i>Imm. 3.</i> Atuartitsissutini ataasiakkaani aamma atuartitsissutini qanitariissuni tamani qarasaasialerineq atuartitsinerup ilaatut atuartitsinermilu atortutut ilaatinneqassaaq."	4. § 10, imm. 3, imatut oqaasertalerneqassaaq: " <i>Imm. 3.</i> Atuartitsissutini ataasiakkaani aamma atuartitsissutini qanitariissuni tamani qarasaasialerineq, tassani ilaallutik teknologiip paasineqarnera, digitalip perorsarsimaneq aamma digitalimi pissusilersorneq atuartitsinerup ilaatut atuartitsinermilu atortutut ilaatinneqassaaq."
§ 10. Alloriarfinni tamani – atuartitsissutinut ataasiakkaanut immikkoortiterilluni aamma immikkoortiterinani - atuartitsineq pissaaq, tak. §§ 11 - 13 atuartitsissutit qanitariissut makku iluanni: 1) oqaasit, tassaallutik kalaallit oqaasii, qallunaat oqaasii, tuluit oqaasii kiisalu allamiut oqaasiisa pingajui, 2) kulturi inuiaqatigiillu tassaasut inuiaqatigiilerineq aamma upperisalerineq isumalioqqissaarnerlu, 3) matematikki pinngortitarlu tassaasut	5. § 10-mi imm. 3-p kingorna nutaatut ilanngunneqassaaq: " <i>Imm. 4.</i> Mernguernartulerinerup iluani atuartitsinermi ilanngunneqarsinnaapput kulturimut aamma inooqatigiinnermut tunngasumik ingerlatat." Imm. 4-7 taamaasilluni tassaalissapput imm. 5-8.

<p>matematikki pinngortitalerinerlu, 4) inuttut inerikkiartorneq, tassaallutik peqqinneq, inooqatigiinnikkut misigissutsikkullu ilikkagaqarniarneq, ilinniagaqarnissamik inuutissarsiutissamillu qinersiniarnermi paasisitsiniaaneq aamma tarnikkut inuttullu inooqatigiinneq pillugu sammisassat, kiisalu 5) sumiiffinni ataasiakkaani ilinniartitsissutissatut toqqakkat mernguernartulerinerup iluaniittut, kiisalu kulturikkut, inuttut inooqatigiinnikkut inuutissarsiutinullu tunngassuteqartunik peqataanerit.</p> <p><i>Imm. 2.</i> Atuartitsissutini ataasiakkaani aamma atuartitsissutini qanitariissuni tamani mernguernartulerineq ilikkartitsiniarnermi ikorfartuutitut ilaatinneqassaaq.</p> <p><i>Imm. 3.</i> Atuartitsissutini ataasiakkaani aamma atuartitsissutini qanitariissuni tamani qarasaasialerineq atuartitsinerup ilaatut atuartitsinermilu atortutut ilaatinneqassaaq."</p> <p><i>Imm. 4.</i> Alloriarfinni tamani atuartitsinerup ingerlanneqartup ilaa atuartitsissutit akimorlugit ingerlatsinertut, aalajangersimasunik qulequtaqarluni sammisaqartitsinermi piareersariikkanillu anguniagaqarluni atuartitsinertut ingerlanneqartassaaq.</p>	
<p>5) atuartitsissutit qanitariissut ilinniartitsissutissat sumiiffinni ataasiakkaani toqqagassat.</p>	<p>6. § 11, imm. 2, nr. 5 ima oqaasertalerneqassaaq: ” 5) mernguernartulerinermut ilaapput eqqumiitsuliorneq, timersorneq kiisalu nipilersornermi aamma assassornermi ilusilersuinermilu suliassat akuleriinneri.”</p>
<p>5) sumiiffinni toqqagassat.</p>	<p>7. § 12, imm. 2, nr. 5 ima oqaasertalerneqassaaq: ”5) mernguernartulerineri ilaapput atuartitsissutit eqqumiitsuliorneq, timersorneq, assassorluni suliassat ilusilersuinerlu, illumi suliassanik ilinniarneq aamma nipilersorneq.”</p>

<p>§ 12. Akullerni atuartsissutit qanitariissut ukuupput:</p> <ol style="list-style-type: none"> 1) oqaatsit tassaasut kalaallit, qallunaat tuluillu oqaasii kiisalu allamiut oqaasiisa pingajui, 2) kulturi inuiaqatigiillu tassaasut inuiaqatigiilerineq aamma upperisalerineq isumalioqqissaarnerlu, 3) matematikki pinngortitarlu tassaasut matematikki pinngortitalerinerlu, 4) inuttut inerikkiartorneq, kiisalu 5) sumiiffinni toqqagassat. <p><i>Imm. 2.</i> Oqaatsinik atuartsinermut ilaasinnaapput oqaatsit allat.</p> <p><i>Imm. 3.</i> Atuartut akullerni atuartut siunnersorneqassapput ilinniagaqarnissamut suliffissatullu qinigassat pillugit</p>	<p>8. § 12, imm. 2-p kingorna nutaatut ilanngunneqassaaq:</p> <p>”<i>Imm. 3.</i> Atuartitsineq aqqissuunneqassaaq atuartsissutini pikkorissarnertut imaluunniit atuartsissutit akimorlugit ingerlatsinertut, assassortarissani suliassani sananeq aamma assassorneq aamma nipilersornermi suliassani erinarsorneq aamma isiginnaartitsineq. Sumiiffimmi periarfissat mernguernartulerinerlut tunngasut atuartsissutini pikkorissarnertut ilanngunneqarsinnaapput.”</p> <p><i>Imm. 3</i> matuma kingorna tassaalerpoq <i>imm. 4.</i></p>
<p>5) sumiiffinni toqqagassat.</p>	<p>9. § 13, imm. 1, nr. 5 ima oqaasertalerneqassaaq:</p> <p>”5) mernguernartulerinermi ilaapput atuartsissutit timersorneq aamma illumi suliassanik ilinniarneq.”</p>
<p>§ 13. Angajullerni atuartsissutit qanitariissut ukuupput:</p> <ol style="list-style-type: none"> 1) oqaatsit tassaasut kalaallit, qallunaat tuluillu oqaasii aamma toqqakkatut allamiut oqaasiisa pingajui, 2) kulturi inuiaqatigiillu tassaasut inuiaqatigiilerineq aamma upperisalerineq isumalioqqissaarnerlu, 3) matematikki pinngortitarlu tassaasut matematikki pinngortitalerinerlu, 4) inuttut inerikkiartorneq, kiisalu 5) sumiiffinni toqqagassat. <p><i>Imm. 2.</i> Pinngortitalerinermit atuartitsinermi, tak. imm. 1, nr. 3, immikkut atuartsissutaassapput fysik/kemi, uumassuseqartulerineq aammalu pinngortitaleriffiusumik nunalerutit.</p> <p><i>Imm.3.</i> Atuartut angajullerni atuartut siunnersorneqassapput ilinniagaqarnissamut suliffissatullu qinigassat pillugit.</p>	<p>10. § 13, imm. 2-p kingorna nutaatut ilanngunneqassaaq:</p> <p>” <i>Imm. 3</i> Atuartitsissutini qinigassatut eqqumiitsuliornerup, assassornerup ilusilersuinerullu, nipilersornerup teknologiimik paasinninnerup iluani sammisassat neqeroorutigineqarsinnaapput. Sumiiffimmi periarfissat mernguernartulerinermit atuartsissutit qinigassatut neqeroorutigineqarsinnaapput.”</p> <p><i>Imm. 3</i> matuma kingorna tassaalerpoq <i>imm. 4.</i></p>

<p><i>Imm. 2.</i> Naalackersuisut atuartitsissutininut § 10, imm. 1, nr. 1-3-mi aamma atuartitsissutininut qanitariissunut § 10, imm. 1, nr. 4-mi eqqaaneqartunut ilikkagassatut pilersaarutininik, kiisalu atuartitsissutininut qanitariissunut § 10, imm. 1, nr. 5-imi eqqaaneqartunut ilitersuutaasumik ilikkagassatut pilersaarutininik suliaqassapput.</p>	<p>11. § 14, imm. 2-mi oqaaseqatigiit siulliit imatut oqaasertalerneqarput: ” Naalackersuisut § 10, imm. 1, nr. 1-3-mi atuartitsissutininut eqqaaneqartunut, aamma § 10, imm. 1, nr. 4 aamma 5-imi atuartitsissutininut eqqaaneqartunut ilikkagassatut pilersaarutininik suliaqassapput.”</p>
<p><i>Ilinniartitsisut</i></p>	<p>12. Kapitali 7-imi qulequtaq imatut oqaasertalerneqassaaq: <i>"Ilinniartitsisut sulisullu allat"</i></p>
<p><i>Imm. 4.</i> Atuartut angerlarsimaffiini, atuartunut inissiani atuarfinnilu najugaqarfiusuni immikkut aqqissuussani, tak. § 25, immikkut perorsaanikkut ikiorsiinermi, tak. § 15, kiisalu perorsaaneq tunngavigalugu nammineq piumassuseq naapertorlugu sammisassani, tak. § 10, imm. 7.</p>	<p>13. § 35, imm. 4-mi “§ 10, imm. 7” imatut allannortinneqassaaq: ”§ 10, imm. 8”.</p>
<p>§ 35. Atuarfimmi atuartitsisinnaassagaanni atuarfimmi ilinniartitsisussatut ilinniarniq imaluunniit ilinniarniq naleqquttoq alla Naalackersuisunillu akuerisaasoq naammassillugu ilinniarsimasariaqarpoq. <i>Imm. 2.</i> Inuit immikkut piginnaassusillit atuartitsissutini ataasiakkaani atuartitsisinnaapput. <i>Imm. 3.</i> Tiimini atuartitsiviusuni imm. 1-imi 2-milu eqqartorneqartunuk atuartitsisulerneqarsinnaanngitsuni, inuit immikkut piginnaassusillit atuartitsisinnaapput. <i>Imm. 4.</i> Atuartut angerlarsimaffiini, atuartunut inissiani atuarfinnilu najugaqarfiusuni immikkut aqqissuussani, tak. § 25, immikkut perorsaanikkut ikiorsiinermi, tak. § 15, kiisalu perorsaaneq tunngavigalugu nammineq piumassuseq naapertorlugu sammisassani, tak. § 10, imm. 7.</p>	<p>14. § 35, imm. 4-p kingorna nutaatut ilanngunneqassaaq: <i>" Imm. 5.</i> Inuit ikiuinnermi atassuteqarfissamik isumaginnittut, tak. § 38, imm. 1, nr. 5, isumaginninnermi siunnersortitut, perorsaasutut, ilinniartitsisutut, peqqissaasutut ilinniarsimassapput imaluunniit suliamik isumaginninnissamut inuup piukkunnaateqalersitsisumik ilinniartitaanikkut imaluunniit piginnaasaqarnikkut assingusunik tunuliaqutaqassallutik." Imm. 5 taamaalillutik imm. 6-inngussaaq.</p>

<p>§ 5. Immikkut atuartitsineq ilinniartitsisunit immikkut atuartitsinermut ilinniarsimasunit allatulluunniit piginnaasanik pisarialinnik peqartunit ingerlanneqartassaaq.</p>	
<p>§ 38. Kommunalbestyrelse, tak. § 43, imm. 1, pisussaavoq isumagissallugit: 1) §§-ni 10-miit 13-imut aamma §§-ni 15-imiit 17-imut aalajangersakkat eqqartorneqartut tunngavigalugit atuartitsineq, 2) atuartunut peqqissuunissartik atugarissaarnissartilluunniit pissutigalugu sivisunerusumik atuarfimmi atuartinneqarsinnaanngitsunut atuartitsinissaq. Taamatut atuartitsineq atuartut angerlarsimaffiini, paaqqinniffimmi imaluunniit napparsimmavimmi kommunimi atuartup najugaqarfigisaani neqeroorutigineqassaaq, 3) atuartut angerlarsimaffiinik atuartunullu atuarfimmt pioreersunut atasunik inissianik pilersitsineq, tak. § 25, imm.1, 4) perorsaanermut aamma tarnip pissusaanut tunngasunik siunnersuineq, 5) nunaqarfimmi atuarfik illoqarfimmi atuarfimmt atassuserneqarsinnaasoq, taamaalilluni illoqarfimmi atuarfiup pisortaa perorsaanikkut aaqqissugaanikkullu nunaqarfimmi atuarfimmt akisussaasusinnaalluni, aamma 6) atuarfimmi ataatsimi ineriartorneq ingerlaavartumik malinnaaffigineqassasoq.</p>	<p>15. § 38, imm. 1-imi, nr. 4-p kingorna normutut nutaatut ilanngunneqassaaq: "5) atuarfinni tamani ikiuinermi atassuteqarfissamik pilersitsineq ingerlatsinerlu, atuarnermut toqqaannartumik attuumassuteqanngitsut ajornartorsiutit pillugit suliatigut inulerinermilu piginnaasaqartumut inummut atuartoq saaffiginnissinnaalluni.".</p> <p><i>Nr. 5-6 taamaasillutik tassaalissapput nr. 6-7.</i></p>
<p>3) Atuarfiup ilusiligaanera, tamatumunnga ilanngullugit atuarfiit amerlassusissaat aamma atuarfiit ataasiakkaat alloriarfii, ukiumi atuarfiusumi, immikkut atuartitsineq immikkullu perorsaanikkut ikiorsiisarnerit § 15-imi eqqartorneqartut kiisalu § 10, imm. 7 malillugu perorsaaneq tunngavigalugu nammineq piumassuseq naapertorlugu sammisassanik neqerooruteqarnerit.</p>	<p>16. § 43, imm. 2, nr. 3, oqaaseqatigiinni siullerni "§ 10. Imm. 7" ima allanngortinneqassaaq: "§ 10, imm. 8".</p>
<p><i>Imm. 3.</i> Kommunalbestyrelsip § 10, imm.</p>	<p>17. § 43, imm. 3 imatut</p>

<p>1, nr. 1-imiit 4-mut taaneqartuni atuartitsissutitut aamma atuartitsissutitut qanitariissunut atuarfiit ilikkagassatut pilersaarutitut tapiliussaata taamatullu § 10, imm.1, nr. 5-imi taaneqartut sumiiffinni ataasiakkaani qinigassat ilikkagassatut pilersaarutaasa tapissaat, atuarfinni siulersuisut ataasiakkaat siunnersuuteqarnerisigut akuersissutigisassavai, tak. § 47, imm. 9.</p>	<p>oqaasertalerneqassaaq: ” Imm. 3. Kommunalbestyrelsip akuersissutigisarpai atuarfiit ilikkagassatut pilersaarutaannut ilassutit § 10, imm. 1-imi eqqaaneqartuni ilikkagassani aamma ilikkagassat iluini atuartitsissutissani, atuarfiit siulersuisuinit ataasiakkaanit siunnersuutaasut tunngavigalugit, tak. § 47, imm. 9.”</p>
<p><i>Imm. 3.</i> Atuarfiup siulersuisuisa ukiut atuarfiusut tamaasa, atuarfiup ukiumoortumik atuartitsinissamut pilersaarussiaa akuersissutigisassavaat, tassanilu ilaatinneqassapput makku pillugit pilersaarutit:</p> <ol style="list-style-type: none"> 1) atuartut tiimiisa amerlassusissaat, 2) atuartitsissutit tiimissaasa amerlassusissaat, 3) atuartitsissutini ataasiakkaani pikkorissaasarneq tunngavigalugu atuartitsissutillu akimorlugit ingerlatsisarnissanik aaqquissuussinerit, 4) sumiiffinni ataasiakkaani toqqagassat annertussusissaat, 5) atuarfimmi immikkut ittumik atuartitsineq, 6) perorsaaneq tunngavigalugu nammineq piunassuseq naapertorlugi sammisassatut toqqarsinnaasat annertussusissaat, 7) atuartut klassinut inissitsiterneqarneri, 8) atuarfiup angerlarsimaffiullu suleqatigiinnerat, tak. imm. 4., 9) atuartup atuarnermini pissarsiai pillugit angerlarsimaffiit ilisimatinneqartarnerat, 10) ilinniartitsisut akornanni suliasat agguataarneqarnerat, 11) atuarnerup nalaani atuartunut tamanut sammisassaqaqtitsiniutit, aamma 12) atuarfiup sulisuinik pikkorissaasarneq ilinniartitsiteqqittarnerlu. 	<p>18. § 47, imm. 3-mi nr. 4 atorunnaarsinneqarpoq.</p> <p>Nr. 5-12 taamaasillutik nr. 4-11-nngussapput.</p>

<p><i>Imm. 9.</i> Atuarfinni siulersuisut atuartitsissutit atuartitsissutillu qanitariit § 10, imm. 1, nr. 1-imiit 4-mut taaneqartut pillugit, atuarfiit ilikkagassatut pilersaarusiaannut tapiutissanik kommunalbestyrelsimut siunnersuusiussapput, taamatullu § 10, imm.1, nr. 5-imi taaneqartut sumiiffinni ataasiakkaani toqqagassat ilikkagassatut pilersaarusiorderi siunnersuusiussallugit, tak. § 43, imm. 3.</p>	<p>19. § 47, imm. 9 imatut oqaasertalerneqassaaq: ” <i>Imm. 9.</i> Atuarfimmi siulersuisut kommunalbestyrelsimut siunnersuusiorderinnaapput atuarfiup ilikkagassanut pilersaarutaanut ilassutissanik § 10, imm. 1-imi ilikkagassani aamma ilikkagassat iluanni atuartitsissutissanut tunngatillugu.”</p>
<p>§ 48. Atuarfinni tamani pisortamik atorfinitsitsisoqassaaq taannalu atuarfimmi allaffissornikkut perorsaanikkullu sulinermi aqutsisuussaaq aammalu atuarfiup ingerlatsinera pillugu atuarfiup siulersuisuinut kommunalbestyrelsimullu akisussaasuulluni. Atuarfiup pisortaatus sulissaguni pineqartoq meeqqat atuarfianni ilinniartitsissusat ilinniarnaq imaluunniit ilinniarnaq alla Naalakkersuisut akuerisimasaat naammassillugu ilinniarsimasariaqarpoq.</p>	<p>20. § 48, imm. 1 imatut oqaasertalerneqassaaq: "Atuarfinni tamani pisortamik atorfinitsitsisoqassaaq taannalu atuarfimmi allaffissornikkut perorsaanikkullu sulinermi aqutsisuussaaq aammalu atuarfiup ingerlatsinera pillugu atuarfiup siulersuisuinut kommunalbestyrelsimullu akisussaasuulluni."</p>
	<p>21. § 48-p kingorna ikkunneqassaaq: " § 48 a. Atuarfiup pisortaatus suliassaq isumagisinnaajumallugu pineqartoq atuarfimmi ilinniartitsisut ilinniarnermik imaluunniit Naalakkersuisunit akuerineqartumik ilinniarnermik allamik naammassisaqarsimassaaq aamma kommunalbestyrelsit isumasioreerlugit Naalakkersuisunit aalajangersarneqartut malittarisassat naapertorlugit atuarfiup pisortaatus ilinniartitaanermik naammassisaqarsimassalluni, taamaattoorli tak. imm. 2 aamma 3. <i>Imm. 2.</i> Atuarfiup pisortaata piffissap atorfiniffiusup kingorna kingusinnerpaamik ukiut pingasut qaangiutsinnagit atuarfiup pisortaatus ilinniartitaanermi atuarfiup pisortaata naammassisaqarnissaa piumasalarugu atuarfiup pisortaatus</p>

	<p>ilinniartitaanermik naammassisaqarsimannngitsumik atuarfiup pisortassaanik kommunalbestyrelsi atorfinititsisisinnaavoq. Pisuni aalajangersimasumi, pissutsit immikkut ittut tamatumunnga pissutissaqartitsippata, atuarfiup pisortaatus ilinniartitaanerup naammassineqarsimanissaanut piffissaliussap ukiumik ataatsimik sivitsorneqarsinnaanera Naalakkersuisut akuerisinnaavaat.</p> <p><i>Imm. 3.</i> Kommunalbestyrelsi atuarfinni mikinerusuni atuartunik 95-inik ikinnerusunik atuartoqartuni atuarfiup pisortaatus ilinniartitaanermik naammassisaqarsimannngitsumik atuarfiup pisortassaanik atorfinititsisisinnaavoq, atuarfiup pisortaa</p> <ol style="list-style-type: none"> 1) aqutsinikkut allatigut piginnaasaqarpat, imaluunniit 2) Naalakkersuisunit aalajangersarneqartut malittarisassat malillugit pikkorissarnermik ingerlataqarpat."
<p><i>Imm. 2.</i> Paasisassarsiorluni angalanerit, tammaarsimaarnerit atuaqatigiillu angalanerit § 10, imm. 5, taamaattoq tak. imm. 3, naapertorlugu ingerlanneqartussat piviusunnngortinnissaannut aningaasartuutit pisariaqartut kommuninit matussuserneqassapput.</p>	<p>22. § 53, imm. 2-mi “§ 10. Imm. 5” ima allannngortinneqassaaq: ”§ 10, imm. 6”.</p>
<p><i>Imm. 3.</i> Kommunalbestyrelsip piumasarisinnaavaa, atuartut ataasiakkaat angajoqqaavisa, atuartut angalanerminni nerisaqartinneqarnerat isumagissagaat. Tammaarsimaarnermi atuaqatigiillu angalaneranni § 10, imm. 5 aamma 6 naapertorlugu pisuni atuartup nerisaqarneranut aningaasartuutit kommunalbestyrelsip angajoqqaanut akileqqusinnaavai. Akiliisitsineq angissusilerneqartassaaq angerlarsimaffimmi aningaasartuutissaagaluit nalilersorneqarneri tunnngavilersuutigalugit.</p>	<p>23. § 53, imm. 3-mi “§ 10. Imm. 5 aamma 6”, “§ 10, imm. 6 aamma 7”-imut allannngortinneqassaaq.</p>

<p><i>Imm. 5. § 10, imm. 5 aamma 6</i> naapertorlugu aaqqissuussinernut atuartup peqataanissaa, imm. 3-ni aningaasartuutit eqqaaneqartut saniatigut, akiliuteqarnissamik allatulluunniit tunniussaqaarnissamik piunasaqaatitaqartinneqassanngilaq.</p>	<p>24. § 53, imm. 5-imi “§ 10, imm. 5 aamma 6”, “§ 10, imm. 6 aamma 7”-imut allanngortinneqassaaq.</p>
	<p style="text-align: center;">§ 2</p> <p>Inatsisartut inatsisaanni § 1, nr. 1, 12, 14, 15 aamma 20 ulloq 1. januar 2022-mi atuutilissapput.</p> <p><i>Imm. 2.</i> Inatsisartut inatsisaanni § 1, nr. 2-11, 13, 16-19 aamma 22-24 ulloq 1. august 2023-mi atuutilissapput.</p> <p><i>Imm. 3.</i> Atuarfimmi pisortatut ilinniartitaaneq pillugu Inatsisartut inatsisaanni § 1, nr. 21 ulloq 1. januar 2023-mi atuutilissaaq aamma atuarfimmi atuarfiup pisortaatut ulloq 1. januar 2023-mi atorfinitsinneqartunut atuarfiit pisortaannut atuutissanani.</p>

Ilanngussaq 2

Inatsisissatut siunnersuut piffissami 14. december 2020-miit 12. januar 2021-mut ukununnga tusarniaassutigineqarpoq:

Naalakkersuisut Siulittaasuata Naalakkersuisoqarfia
Aningaasaqarnermut Naalakkersuisoqarfik
Ineqarnermut Attaveqatigiinnermullu Naalakkersuisoqarfik
Ilisimatusarnermut Avatangiisinullu Naalakkersuisoqarfik
Peqqissutsimut Naalakkersuisoqarfik
Aalisarnermut, Piniarnermut Nunalerinermullu Naalakkersuisoqarfik.
Inuussutissarsiornermut Naalakkersuisoqarfik
Ilaqutariinnermut Inatsisinullu Atuutsitsinermut Naalakkersuisoqarfik
Aatsitassanut Naalakkersuisoqarfik
Nunanut Allanut Nukissiuuteqarnermullu Naalakkersuisoqarfik
Sulisitsisut (GE)
SIK
Kommune Kujalleq
Kommuneqarfik Sermersooq

Qeqqata Kommunia
Avannaata Kommunia
Kommune Qeqertalik
Nuuk Internationale Friskole
NUSUKA
IMAK
AK
Nanu Børn
MIBB Meeqqat Inuunerissut
MIPI - Meeqqat Inuusuttullu pillugit ilisimasaqarfik
Kalaallit Nunaanni Rigsombudsmandi
Inuit Pisinnaatitaaffii pillugit Nunatsinni Siunnersuisoqatigiit
Inuit Pisinnaatitaaffii pillugit institut
Knud Rasmussenip Højskolia
Sulisartut Højskoliat
NPK
Avannaani Ilinniarnertuunngorniarfik
Qeqqani Ilinniarnertuunngorniarfik
Kalaallit Nunaanni Teknikimik Ilinniarfik (KTI)
Campus Kujalleq
INUILI
Kalaallit Nunaanni Imarsiornermik Ilinniarfik
NI-Nuuk
Peqqissaanermik Ilinniarfik
Ilisimatusarfik
Perorsaanermik Ilinniarfik
Savaatilinnngorniat Ilinniarfiat
Eqqumiitsuliornermik Ilinniarfik
ILI ILI
Avalak
ASG
Nuna Tamakkerlugu Ilitsersuisarfik
MIO
Inuit Innarluutillit Illersuisuat
Mælkebøttecenteri
Red Barnet
Peqatigiiffik Kalaallit Meerartaat
Kalaallit Røde Korsiat

Tusarniaanerup naammassereernerani tusarniaavigineqartunit ukuninnga akissutit
tiguneqarput:

Peqqissutsimut Naalakkersuisoqarfik, Ineqarnermut Attaveqarnermullu Naalakkersuisoqarfik, Iisimatusarnermut Avatangiisinullu Naalakkersuisoqarfik, Autismeqartut nuna tamakkerlugu peqatigiiffiat aamma Mælkebøtten. Tusarniaaffigineqartut taakku siunnersuummut oqaaseqaateqanngillat. Aammattaaq ukunanga tusarniaanermut akissutit tiguneqarput: Sulisitsisut/GE, Red Barnet, Kommuni Qeqertalik, Kommuneqarfik Sermersooq, MIO, Inuit Pisinnaatitaaffii pillugit Nunatsinni Siunnersuisoqatigiit, Iisimatusarfik, Aningaasaqarnermut Naalakkersuisoqarfik aamma Isumaginninnermut, Ilaqutariinnermut Inatsisinillu Atuutsitsinnermut Naalakkersuisoqarfik.

Tusarniaanissamat piffissaliussap naareernerata kingorna IMAK-imit tusarniaanermut akissuteqaat tiguneqarpoq.

Tassunga atatillugu siunnersuummut nalinginnaasumik naammagisimaarinnineq tapersersuinerlu paasineqarsinnaavoq.

Aammattaaq Aningaasaqarnermut Naalakkersuisoqarfik tusarniaanermi akissummini naliliilluni siunnersuut Nunatta Karsianut aningaasatigut kinguneqartussaassanngitsoq. Tassunga atatillugu siunnersuutip aningaasatigut allaffissornikkullu kingunissai pillugit siunnersuummi nalinginnaasumik nassuiaatini immikkoortoq 3-mi, tamanna pillugu allanneqartunut innersuussisoqassaaq. Siunnersuummi immikkoortunut ataasiakkaanut naleqqiullugu aningaasatigut kingunissatut naatsorsuutigineqartut pillugit immikkoortuni nassuiaasoqarpoq. Tassunga ilaatigut ilaavoq atuarfinni tamani ikiuinermi atassuteqarfissaq pillugu siunnersuummi § 1, nr. 15, tassunga ilanngullugu atuarfinnut taamatut aaqqissuussinermik ullumikkut pilersitsisimanngitsunut tunngatillugu aningaasatigut kinguniusinnaasut.

Tusarniaanerup kingunerisaanik siunnersuummi aalajangersimasunik allannguisoqarpoq.

Sulisitsisut /GE atuarfiup pisortaanut piginnaasaqarnikkut piumasaqaatinut tapersersuinerup saniatigut siunnersuummi § 1, nr. 11-mi teknikkikkut kukkusumik innersuussinermut uparuaapput, taannalu iluarsineqarluni. Aammattaaq Kommuni Qeqertalimmiit tusarniaanermi akissut tunuliaqutaralugu siunnersuummi § 1, nr. 3 atuartitsissummi erinarsornermut naleqqiullugu "aalaneq" ilanngunneqarpoq aamma atuartitsissummut assassornermut "ilusilersuineq" ilanngunneqarluni, tamatuma kingorna taaguuteqalerluni "assassorneq ilusilersuinerlu". Aammattaaq Inuit Pisinnaatitaaffii pillugit Nunatsinni Siunnersuisoqatigiinnit tusarniaanermi akissummi atuartitsissut siunnersuummi § 1, nr. 3, 7 aamma 9-mi "nerisassiorneq" "illumi suliaassanik ilinniarneq"-mik taarserneqarluni.

Kommuneqarfik Sermersuumiit tusarniaanermi akissut tunuliaqutaralugu siunnersuummi § 1, nr. 14, allanngortinneqarpoq, taamaalilluni maannakkut inuttut attaveqarfissamik aaqqissuussinermi isumaginnissinnaasut aalajangersakkami eqqaaneqartunut ilinniartitaanermut naapertuuttumik inuit assingusumik piginnaasaqarlutik tunuliaqutaqartut

inuit ilanngunneqarlutik. Siunnersuummi § 1, nr. 15-imut nassuiaatini tamatuma nanginneratut erseqqissarneqarpoq siunnersuummi nr. 15-imi aaqqissuussinermik pilersitsinissaq pisinnaalerluni, tamatumalu kingunerisaanik atuarfinni arlalinni inuk ataaseq amerlanerilluunniit suliassamik isumaginnissinnaallutik, aamma ulloq naallugu atorfiup pineqarnissaa pillugu piumasaqaateqarunnaarluni.

Kiisalu Kommuneqarfik Sermersuumiit aamma Ilisimatusarfimmiit tusarniaanermi akissutit tunuliaqataralugit siunnersuummi § 1, nr. 21-mi atuarfiup pisortaatut ilinniarsimanissamut piumasaqaat pillugu aalajangersakkap atuutilernissaanut 1, januar 2023-mut kinguartinneqarluni, tak. siunnersuummi § 2. Taamaaliornikkut kommunit isumasioreerlugit Naalakkersuisut ukiut pingasut iluanni naammassineqartussamik ilinniarnermik ingerlataqarnissamut piffissaq pisariaqartoq aalajangersarneqarluni.

Tamatumunngalu atatillugu uani ataaniittumi tusarniaanermut atatillugu skemaliami nalunaarsuutit innersuunneqassapput, tusarniaanermi akissutaasut tamarmik sammineqarfigisaat aammalu oqaaseqarfigineqarneri. Tusarniaanermut akissutit siunnersuummut tunngassuteqanngitsut oqaaseqarfigineqanngillat.

	Tusarniaavigin eqartoq	Oqaaseqaatit	Oqaaseqaatigineqartumut oqaaseqaatit
1	Red Barnet	§ 6: Kalaallit Nunaanni Red Barnet'imi atuarfinni klassimi ataatsimi atuartut amerlassusiisa kommuni ataasiakkaani qummut killilerneqarnissaat tapersorsorparput. Kisianni aamma uparuarusullutigu kommunimi atuartut tamarmik pitsaanerpaamik ilikkagaqarnissamut periarfissaannik kommuni ataaseq pilersitsiniarsarinngippat ernumanartoqartillugu.	Siunnersuummut allannguutissatut siunnersuuteqartoqanngilaq.
1.1	Red Barnet	§ 10: Kalaallit Nunaanni meeqqat atuarfiini atuartut teknologimik paasisimasaqalernissaat iluaraarput soorlu aamma digitalikkut	Siunnersuummut allannguutissatut siunnersuuteqartoqanngilaq. Aammattaaq meeqqat atuarfiini isumannaatsuunissamik

		<p>perorsarsimassutsimut pissusilersornermullu atatillugu meeqqat atuarfiini tamani isumannaallisaanikkut aaqqissuussisoqassasoq innersuussutigalutigu, internetikkut atassuteqarnermi isumannaatsuuneq qaffasissumik pingaartinneqarluni.</p>	<p>aaqqissuussinissamut allatigut akornutissaqarnani.</p>
1.2	Red Barnet	<p>§ 38: Meeqqat atuarfiini tamani tamatumunnga pisariaqartitsisunut atuartunut ikorfartuilluni oqaloqatigiinnernut toqqaannartumik ikiorsiinissamik neqerooruteqarnissaq tapersorsorparput. Nalunngilarput atuarfiit ilaanni isumaginninnermi siunnersortinik siunnersuisartoqartoq aamma Kalaallit Nunaanni atuartunut tamanut nuna tamakkerlugu neqerooruteqartoqarnera tikilluaqqullutigu.</p>	<p>Siunnersuummut allannguutissatut siunnersuuteqartoqanngilaq.</p>
1.3	Red Barnet	<p>§ 35: Attaveqarfissamik aaqqissuussinermi inersimasumut ilinniarsimanikkut tunuliaquteqarnissaq apeqqutaatinnagu innersuussutigaarput atassuteqarfissamik aaqqissuussinermi oqaloqatiginneriaatsinut aamma meeqqat inuusuttullu</p>	<p>Siunnersuummi § 1, nr. 15-imut atatillugu takuneqarsinnaavoq atuarnermut toqqaannartumik attuumassuteqanngitsut ajornartorsiutit pillugit inummut ilinniarsimasumut isumaginninnikkullu piginnaasaqartumut atuartoq saaffiginnissinnaassasoq.</p> <p>Naleqquttumik ilinniartitaanikkut</p>

		<p>paasineqarnissaannut naleqqiullugu inersimasut tamarmik sukumiisumik ataqatigiissumillu piareersarsimanissaat aamma nalunaaruteqartarnermut naleqqiullugu inatsisitigut.</p>	<p>piginnaasaqarnikkullu tunuliaquteqarnissaq pillugu piumasaqaateqartoqarneratigut sulisut suliassamik isumaginninnissamut piukkunnaateqarnissaa qulakkeerniarneqarpoq. Kommunalbestyrelsip pisariaqartitsineq malillugu suliassap isumaginissaanut naleqqiullugu sulisut allatigut piareersarsinnaavai.</p>
2	<p>Isumaginninnermut, Ilaqutariinnut Inatsisillu Atuutsitsin- neqarnerannut Naalackersui- soqarfik</p>	<p>Isumaginninnermut Inatsisinillu Atuutsitsinnermut Naalackersuisoqarfiup atuarfinni tamani atuarnermut toqqaannartumik attuumassuteqanngitsut ajornartorsiutit pillugit inummut ilinniarsimasumut isumaginninnikkullu piginnaasaqartumut atuartoq saaffiginnissinnaassanera tikilluaqquaa.</p>	<p>Siunnersuummut allannguutissatut siunnersuuteqartoqanngilaq.</p>
3	<p>Kommune Kujalleq</p>	<p>Atuartut amerlassusaannut, digitalikkut perorsarsimaneq aamma digitalikkut pissusilersornermut tunngasut atuartitsissutitut immikkoortutut, isumaginninnermi piginnaasaqartunik inunnik isumalluutitut periarfissaqarneq kiisalu atuarfiup pisortaatusut ilinniarsimanissaq pillugu piumasaqaat pillugu allannguutissatut siunnersuutip saqqummiuteqqinneqarnera</p>	<p>Siunnersuummut allannguutissatut siunnersuuteqartoqanngilaq.</p> <p>Allatigut oqaatigineqassaaq aalajangersakkat eqqaaneqartut ilaannai kingumut saqqummiunneqarmata. Tassunga atatillugu siunnersuummut nassuiaatinut nalinginnaasunut innersuussisoqarpoq.</p>

		nuannaarutigaarput.	
3.1	Kommune Kujalleq	<p>Klassimi atuartut amerlassusissaat klassimi ataatsimi atuartunut 18-inut allanngortinneqarnissaa tapersorsorparput. Tamatumunnga pissutaavoq atuarfinni klassinut init amerlanerpaartaat atuartunut 26-inut mikivallaarneri. Atuartut amerlassusissaasa appartinnerisigut atuartunut immikkut pisariaqartitsisunut ajornannginnerusumik inissaqartitsisoqalissaaq, atuartut ilaatinneqarneri peqataasunut tamanut ajornannginnerulerluni. Ikinnerullutik atuartinneqarnertik tunuliaqutaralugu upernaami corona pissutigalugu killilersuisoqarnerani qanoq ajornannginnerutiginera pitsaanerusumillu atugaarneq pillugu atuartut oqaaseqaataat tapersorsorpavut.</p>	<p>Siunnersuummut allannguutissatut siunnersuuteqartoqanngilaq.</p> <p>Allatigut klassimi atuartut 18-inik qummut killeqartinnissaannik aalajangersaanermik siunnersuut kinguneqanngitsoq oqaatigissavarput. Piginnaatitsinermut aalajangersakkamik ikkussinissaq pillugu siunnersuummi § 1, nr. 1 isumaqarpoq atuartut ilikkarnissaat atugarissaarnissaallu tamatumunnga pissutissaqartitsinera pingaaruteqartumik eqqarsaatigineqassappat klassimi atuartut amerlassusiisa amerlanerpaaffissaasa ikilisinneqarnerat pillugu nalunaarusiornikkut malittarisassanik aalajangersaasoqarsinnaasoq. Taamaalilluni aalajangersakkami siunnersuutigineqartumi klassimi ataatsimi atuartut amerlassusiisa amerlanerpaaffissaat aalajangersarneqanngilaq. Tamatumunnga pissutaavoq pisuni aalajangersimasuni suli appasinnerusumik qummut killiliisoqarnissaanit pisariaqartitsisoqarsinnaaneranut tunngavilersuuteqarsinnaanera, aammalu 18-it aamma 25-t akornanni qummut</p>

			killiliisoqarnissaanut ammaassisoqarluni. Allatigut oqaatigineqassaaq klassimi ataatsimi atuartut amerlassusiisa amerlanerpaaffissaat ammut sammisumik nammineq suliniuteqarnikkut kommunalbestyrelsit ullumikkut aalajangiisinnaareermata.
3.2	Kommune Kujalleq	Nunarsuarmi inuiaqatigiinnilu teknologiikkut ineriartorneq ilutigalugu aamma inissaminiippoq digitalikkut perorsarsimassuseq pillugu atuartitsissummik immikkoortumik pilersitsisoqarpat. Atuartitsissummik pilersitsisoqarneratigut digitalikkut tusagassiuutini atuinermut pullavik atuartunut ilinniartitsisunullu ajornannginnerulissaaq.	Siunnersuummut allannguutissatut siunnersuuteqartoqanngilaq. Aammattaaq siunnersuummi § 1, nr. 4-mut innersuussisoqassaaq. Aalajangersakkamit takuneqarsinnaavoq ilaatigut digitalikkut perorsarsimassuseq aamma digitalikkut pissusilersorneq atuartitsissutini tamani atuartitsinermi sakkut ilaattut ilaasut.
3.3	Kommune Kujalleq	Kommune Kujallermi atulersitsiniarnerup nalaaniippugut, atuarfinni marlunni isumaginninnermut siunnersortimit atorfinititsisimalluta. Angusat inuuniarnikkut unammilligassalinnut pitsaasumik sunniuteqarsimapput allaallu atuartitsinermik iluaqutaasimallutik, ilinniartitsisut atuartut ilikkagaqarnissaat aallussinnaalerlugu.	Siunnersuummut allannguutissatut siunnersuuteqartoqanngilaq.
3.4	Kommune	Atuarfiup pisortaatusut	Siunnersuummut

	Kujalleq	ilinniartitaanermut tapersersuivugut, suliasaqarfimmi inatsisitigut ilisimasaqartumik atuarfimmi aqutsisoqarnermut pingaaruteqarmat.	allannguutissatut siunnersuuteqartoqanngilaq.
4	Kommune Qeqertalik	Siunnersuummut missingiut allannguutissanik nalunaarsorneqarsimasunik imaqartumik tusarniaanermi akissummik kommuni nassiussimavoq. Allannguutissami siullermi pineqarpoq siunnersuummi nr. 1, tassani 26 24-mik taarserneqassasoq siunnersuutigineqarluni.	Allannguutissatut siunnersuut tunngavilersorneqarsimanngilaq, aamma allannguutissamat oqaaseqaateqarnani. Peqatigisaanik oqaatigineqassaaq aalajangersagaq, tak. imm. 2-mi piginnaatitsissut siunnersuutigineqartoq tamanna pillugu nalunaarut tunngavigalugu klassimi atuartut amerlassusiisa amerlanerpaaffissaannik saneqqussisinnaaneq siunertaralugu oqaasertalerneqarsimalluni. Taannali taamaallaat atulersinneqarsinnaalluni oqartussaannermut aalajangersagaq atulersinneqassappat. Oqaaseqaat taamaattumik ilanngunneqanngilaq.
4.1	Kommune Qeqertalik	Kommunip siunnersuummut missingiutaani allannguutissatut nr. 3-tut nalunaaqutsigaani Inatsisartut inatsisaanni § 10, imm. 1, nr. 5-imi oqaasertaliussamat tunngatillugu siunnersuutigineqarpoq "ilusilersuineq"	Oqaaseqaat ilanngunneqarpoq, tassa atuarfimmi atuartitsissutini atuartitsissutinilu qanitariissuni alloriarfiit siunertaat kiisalu atuartitsissutit siunertaat ilikkagassatullu anguniagassat pillugit Namminersornerullutik Oqartussat nalunaarutaanni nr. 16, 24. juni 2003-meersumi taaguut "assassorneq"

		ilanngunneqassasoq.	<p>ilusilersuinerlu" atorneqarpoq.</p> <p>Tassunga atatillugu aalajangersakkamut aamma "erinarsornerup" kingorna "aalaneq" ikkunneqarpoq, tassa taanna taaguut nalunaarummi qulaani taaneqartumi atorneqarmat.</p> <p>Aammattaaq "nerisassiorneq" "illumi suliassanik ilinniarnermik"-mik taarserneqarpoq, tassa taanna atuartitsissutip imarisaanut annertunerusumik naapertuummat.</p>
4.2	Kommune Qeqertalik	§ 10-mi imm. 4-mik nutaamik ikkussinissaq pillugu siunnersuummi nr. 5-imi siunnersuutigineqarpoq oqaaseqatigiit "kiisalu nutaaliornermi sammisat" ikkunneqassasut.	Nutaaliornerit ilusilersuinermi ilaapput aamma assasornerup iluaniillutik aamma mernguernartulerinermi tamarmi. Tamanna aamma ilinniartitsinissamat pilersaarutini erseqqissarneqassaaq. Oqaaseqaat taamaattumik ilanngunneqanngilaq.
4.3	Kommune Qeqertalik	Inatsisartut inatsisaanni § 11, imm. 2, nr. 5-ip oqaasertaa pillugu siunnersuummi nr. 6-imi siunnersuutigineqarpoq "nipilersornerup" kingorna "isiginnaartitsineq" ikkunneqassasoq.	Taanna ilanngunneqanngilaq, tassa § 10, imm. 1, nr. 5-imi tamanna nassuiarneqareermat.
4.4	Kommune Qeqertalik	Inatsisartut inatsisaanni § 12, imm. 1, nr. 5-ip oqaasertaa pillugu siunnersuummi nr. 7-imi siunnersuutigineqarpoq "nipilersornerup" kingorna "kiisalu isiginnaartitsineq"	Taanna ilanngunneqanngilaq, tassa § 10, imm. 1 nr. 5-imi tamanna nassuiarneqareermat.

		ikkunneqassasoq.	
4.5	Kommune Qeqertalik	Inatsisartut inatsisaanni § 12-imi imm. 3-p nutaap ikkunneqarnissaa pillugu siunnersuummi nr. 8-mi siunnersuutigineqarpoq aalajangersakkami oqaaseqatigiit aappaanni "Najukkami kiisalu kulturip" kingorna "pinngortitaq kiisalu kulturi" ikkunneqassasut.	Taanna ilanngunneqanngilaq, tassa taanna taaguutinik annikillisaanermik kingunneqassamat. "Najukkami periarfissat", aalajangersakkami allanneqartoq, annertunerusunut tunngasuvoq.
4.6	Kommune Qeqertalik	Inatsisartut inatsisaanni § 13-imi imm. 3-p nutaap ikkunneqarnissaa pillugu siunnersuummi nr. 10-mi siunnersuutigineqarpoq oqaaseqatigiit "...angajullerni atuartitsissutitut qinigassatut neqeroorutigineqarsinnaanera" kingorna "angajullernut" ikkunneqassasoq.	Taanna ilanngunneqanngilaq, tassa immikkoortumut qulequttamit tamanna takuneqareersinnaammat aammattaaq aalajangersakkami imm. 1-imi oqaaseqatigiinni aallarniutaasuni angajullerni atuartitsineq pineqarmat.
5	GE / Sulisitsisut	Atuarfimmil aqutsinermut piginnaasaqarnikkut piunnaasaqateqartoqarnerani GE-mit pitsaasutut isigineqarpoq.	Siunnersuummut allannguutissatut siunnersuuteqartoqanngilaq.
5.1	GE / Sulisitsisut	GE aalajangersakkanut allanut oqaaseqaateqanngilaq nr. 11-mi § 14, imm. 2, oqaaseqatigiinni siullerni teknikikkut kukkuneq eqqaassanngikkaanni. Tassani allaqqasussaagunarpoq § 10, imm. 1, nr. 1-3-mi taaneqartuni atuartitsissutini aamma § 10, imm. 1, nr. 4 aamma 5-imi atuartitsissuteqarfanni	Oqaaseqaat ilanngunneqarpoq, tassa innersuussinermi kukkuneq pineqarmat.

		<p>taaneqartuni ilinniartitsinissamut pilersaarutitik Naalakkersuisut nassiussissasut.</p>	
6	Kommuneqar- fik Sermersooq	<p>Kommuneqarfik Sermersooq allannguutissatut siunnersuutip annertunersaanut isumaqataavoq, meeqqat atuarfiannik pitsaassutsikkut kivitsinissamut suliniutitut pitsaasutut nalilerneqartut.</p>	<p>Siunnersuummut allannguutissatut siunnersuuteqartoqanngilaq.</p>
6.1	Kommuneqar- fik Sermersooq	<p>Kommuneqarfik Sermersuumit maluginiarneqarpoq § 48, imm. 2, imatut allanngortittariaqartoq atuarfiup pisortaata atuarfiup pisortaanut ilinniarnini atorfinereernerup kingorna kingusinnerpaamik ukiut pingasut qaangiutsinnagit <i>aallartissimasariaqarlugu.</i></p> <p>Atuarfiup pisortaa ulloq naallugu ilinniarnertut atuarfiup pisortaanut ilinniarnissamut periarfissaqarsinnaanngilaq, tassa pineqartup atuarfiup pisortaanut suliniini aamma isumagisussaammagu. Ilinniartitaanerup ullumikkutut aaqqissugaanerata kingunerissavaa atuarfiup pisortaata pineqartup ukiumut immikkoortut marluk</p>	<p>Oqaaseqaatit kingunerisaannik pissutsit immikkuullarissut tamatumunnga pissutissaqartitsippata pisuni aalajangersimasuni atuarfiup pisortaanut ilinniartitaanerup naammassineqarnissaanut piffissaliussap sivitsorneqarnissaanut periarfissamik ikkussisoqarpoq. Siunnersuut aamma allanngortinneqarpoq, kingorna siunnersuummi § 1, nr. 21 aatsaat ulloq 1. januar 2023-mi atuutilissalluni.</p> <p>Aalajangersakkami pineqarpoq politikkikkut kissaatigineqarsimasup akuerineqarnera, inatsisip allanngortinneqarneranut atatillugu qitiusumiit oqallisigineqarsimasoq. Tassunga atatillugu pineqarpoq atorfinititsinermut piumasaqaat oqaaseqaat akuerineqassappat ukiorpassuarni naammassineqarsinnaanngitsoq.</p>

		<p>ingerlassinnaassallugit tassa katillugit ukiunut pingasunut naapertuuttut. Ilinniartitaanerup naammassineqarnera taamaattumik sivikinnerpaamik ukiunik pingasunik sivilissuseqassaaq, immikkoortut ukiukkaartumik neqeroortigineqarpat piffissarlu atorfiniffiusoq ilinniartimmi aallartinnermi ullumut naapertuuppat.</p>	<p>Tamatumunnga pissutaavoq taamaattoqassappat pisortaq, piffissap atorfiniffiusumiit ilinniartitaaneq aatsaat ukiut pingasut kingorna aallartinneqarpat, aatsaat atorfinitsitsinermi piunasaqaammik piviusumik naammassinnissammat, ilinniartitaanerup aallartinnerata kingorna ukiut arlallit kingorna ilinniartitaaneq naammassineqarpat.</p> <p>Tassani aamma pineqarpoq ilinniartitaaneq kommunalbestyrelsit isumasioreerlugit Naalakkersuisunit aalajangersarneqartunik malittarisassanik malittarisassaqaartinneqartoq, taamaattumillu pinngitsoorani maannakkut ilinniartitaanertut imaqarani, sivilissuseqarani aqqissuunneqaranilu. Naatsorsuutigineqarpoq ukiut pingasut iluanni naammassineqarsinnaasumik ilinniartitaaneq pillugu malittarisassanik aalajangersaasoqassasoq.</p>
6.2	Kommuneqar-fik Sermersooq	<p>Maluginiarneqarpoq § 35, imm. 5-imi piginnaasaqarnissamut piunasaqaatit aallaavigalugit nunaqarfinni atuarfinni inuttut attaveqarfigisassatut aqqissuussinnermut, tak. siunnersuummi § 38, imm. 1, nr. 5, atorfirmik isumaginnittussanik</p>	<p>Siunnersuummi § 1, nr. 14 maannakkut imatut allanngortinneqarpoq pineqartut "suliamik isumaginninnissamut inuup piukkunnaateqalersitsisumik ilinniartitaanikkut imaluunniit piginnaasaqarnikkut assingusunik tunuliaqutaqassallutik".</p>

		<p>sulisunik ilinniarsimasunik nassaarnissaq unammillernarsinnaassasoq. Tassunga atatillugu takuneqarsinnaavoq inuttut attaveqarfigisassatut aaqqissuussinermi suliamik inuit isumaginnittussat isumaginninnermi siunnersortitut, perorsaasutut, ilinniartitsisutut, peqqissaasutut ilinniarsimassasut imaluunniit suliassamik isumaginninnissamut inummut piukkunnaateqartitsisumik assingusumik ilinniarnermik tunuliaquteqassasut. Innersuussutigineqarpoq <i>ikiuinermi atassuteqarfissamik isumaginnittussamik sulisunik atorfinitsinneqartut pisut ilaanni illoqarfimmi atuarfinni aamma qanittumiittuni nunaqarfinni atuarfinni sulianik isumaginnissinnaassasut.</i></p>	<p>§ 1, nr. 15-imut naleqqiullugu malugineqassaaq inuk imaluunniit inuit ikiuinermi atassuteqarfissamik isumaginnittut atuarfinnik arlalinnik sammisaqarsinnaanerannut siunnersuut akornusiinngimmat.</p>
6.3	Kommuneqarfik Sermersooq	<p>§ 10, imm. 1, nr. 5-imut maluginiarneqarpoq najukkami qinigassat allat pillugit neqeroorutinik pilersitsinissamut aalajangiinissamut kommunalbestyrelsi suli periarfissaqassasoq assersuutigalugu: - tusagassiuutit/filmi/assiliineq</p>	<p>Siunnersuummut allannguutissatut siunnersuuteqartoqanngilaq.</p> <p>Aammattaaq maluginiarneqarpoq kissaatigineqartut periarfissaareersut, tak. meeqat atuarfiat pillugu Inatsisartut inatsisaanni § 47 tunuliaqutaralugu atuarfiup</p>

		<p>- nutaaliorneq/teknologii/nalunaarsukkat - sulinermik ilisimasaqarneq/inuussutis-sarsiutit</p>	<p>pisortaata suliassai.</p>
6.4	Kommuneqarfik Sermersooq	<p>Tamanna siunnersuummi nr. 2-mi takuneqarsinnaavoq. § 10, imm. 1, nr. 2-mi, § 11, imm. 2, nr. 2-mi, § 12, imm. 1, nr. 2-mi aamma § 13, imm. 1, nr. 2-mi ima allanneqassaaq: “2) kulturimik inuiaqatigiillu pillugit sammisaqarneq, tassaallutik inuiaqatigiilerineq, oqaluttuarisaaneq kiisalu upperisalerineq isumalioqqissaarnerlu,”</p> <p>Oqaluttuarisaaneq, inuiaqatigiilerineq kiisalu upperisarsiorneq isumalioqqissaarneq pillugit immikkut atuartitsissutinik pilersitsinermut atatillugu Kommuneqarfik Sermersuumit maluginiarneqarpoq erseqqissumik takuneqarsinnaanngilaq tamanna isumaqarnersoq atuartitsissutini ataasiakkaani atuartitsinerit ikinnerusut pilliutigalugit atuartitsissutit amerlanerulissanersut imaluunniit tamanna isumaqarnersoq tiimit amerlassusaannut naleqqiullugu ilinniartut ukiumut naammassisaannut</p>	<p>Atuartitsissutip atuartitsissutinullu eqqaanartut siunnersuummi naleqqussarnerinut naleqqiullugu oqaatigineqassaaq siunnersuut taamatut tiimit amerlassusiinut naleqqiullugu allannguinnitsoq.</p> <p>Peqatigisaanik oqaatigineqassaaq siunnersuummi taamaallaat atuartitsissutaareersunik allaanerusumik immikkoortiterineq imaluunniit erseqqissaaneq pineqarmat. Allatut oqaatigalugu atuartitsissutinut ilaapput assersuutigalugu atuartitsissutini "najukkami qinigassat" kiisalu kulturi inuiaqatigiilerinerlu eqqarsaatigalugit atuartitsissutaareersut. Massakkutut atuarfiit namminneq atuartut aamma ilinniartitsisut akunnerit atugassaat meeqqat atuarfiata inatsisaata sinaakkusiussai minnerunngitsumillu kommunalbestyrelsip sinaakkusiussai aallaavigalugit tullerriaarisussaareerput.</p>

		<p>minnerpaaffissatut piumasaqaat allanngortinneqarnerisq.</p>	
6.5	Kommuneqar- fik Sermersooq	<p>Naggasiullugu Kommuneqarfik Sermersuumit maluginiarneqarpoq inatsisissatut siunnersuummut nassuiaatini inatsisissatut siunnersuutip kommuninut aningsaatigut kingunissaanut isummertoqannginnera. Alloriarfinni tamani immikkut atuartitsisoqarnissaanik pisariaqartitsisunik atuartitsissutinut nutaanut atatillugu atuartut ukiumut sammisassaannut minnerpaaffissaq assersuutigalugu allanngortinneqarpat taava tamanna kommuninut malunnartumik aningsaatigut kinguneqartitsissaaq.</p> <p>Tamatuma saniatigut atuarfinni tamani <i>ikiuinnermi atassuteqarfissamut</i> isumaginninnermik siunnersortimik/perorsaa- sumik atorfinititsisoqarneratigut tamanna akissarsiatigut annertuumik aningsaartuuteqarneruner- mik kinguneqassaaq. Kommuninut aningsaatigut taarsiisoqarnissaa</p>	<p>Tassunga atatillugu siunnersuummi aningsaatigut allaffissornikkullu kingunissat pillugit immikkoortoq 3-mi siunnersuummi nalinginnaasumik nassuiaatini tamanna pillugu allanneqartunut innersuussisoqassaaq.</p> <p>Siunnersuummi immikkoortunut ataasiakkaanut naleqqiullugu aningsaatigut kingunissatut naatsorsuutigineqartut pillugit immikkoortuni nassuiaasoqarpoq.</p> <p>Atuartitsissutit atuartitsissuteqarfiusullu siunnersuummi naleqqussarnerinut naleqqiullugu tusarniaanermi akissummi nr, 6.4-mut qulaani oqaaseqaatini eqqaaneqartutut maluginiarneqassaaq siunnersuut namminermi tiimit amerlassusiini naleqqiullugu allannguinngimmat.</p> <p>Tusarniaanermi akissummi 6.4- mi allanneqartunut allatigut innersuussisoqassaaq.</p> <p>Siunnersuut aamma namminermi atuartut ukiumut naammassisassaannut minnerpaaffissamut piumasaqaammi allannguinngilaq.</p>

		sillimaffigineqassaq.	
7	MIO	Meeqqat Pisinnaatitaaffii pillugit NP isumaqatigiissutaat aallaavigalugu meeqqanit inuusuttuniillu isiginnineq aallaavigalugu tusarniaanermik Meeqqat illersuisuat naliliivoq, pingaartumik immikkoortut 3, 19, 27, 28, 29 aamma 39. Tamatuma nanginneratut Meeqqat illersuisuata aalajangersakkani eqqaaneqartuni oqaasertaliussat issuarsimavai.	Siunnersuummut allannguutissatut siunnersuuteqartoqanngilaq.
7.1	MIO	Klassimi atuartut amerlassusiisa amerlanerpaaffissaata ikilissinnaanissaat pillugu malittarisassanik aalajangersaanissamut piginnaatitsissummik aalajangersakkap siunnersuummi nr. 1-imi ikkussinermut naleqqiullugu MIO imatut allappoq: Meeqqat illersuisuata ukiup atuarfiusup aallartinnerani klassimi ataatsimit atuartut amerlassusaasa atuartut 26-t sinnissanngikkaat tunngaviusumik nuannaraa. Meeqqat illersuisuata atuartut amerlassusiisa amerlanerpaaffissaanni ikililerinissaq pillugu malittarisassanik qanoq aamma piumasaqaatit suut aallaavigalugit	Oqaaseqaatit siunnersuummut allannguinnissamut tunngavissiisimannngillat. Aallarniutigalugu oqaatigineqassaaq meeqqat atuarfiat pillugu Inatsisartut inatsisaanni atuuttumit takuneqareersinnaavoq atuartut amerlassusaat atuartunit 26-init amerlanerussanngitsut. Siunnersuummi nutaamik pilersitsinissami taamaalilluni pineqarpoq klassimi ataatsimi atuartut amerlassusiisa amerlanerpaaffissaasa ikilissinneqarnissaat pillugit malittarisassanik aalajangersaanissamut piginnaatitsissummik ikkussinissaq. Peqatigisaanik piginnaatitsissummut

		<p>Naalakkersuisut aalajangersaanissaannut ernumavoq. Atuarfik pillugu Inatsisartut inatsisaat nr. 15, 3. december 2012-imeersumi § 43 malillugu atuarfeqarfimmut kommunalbestyrelsi pingaarnertigut akisussaavoq aamma atuarfiup sulinissaanut anguniakkanik sinaakktissanillu aalajangersaasarluni. Meeqqat illersuisuata malugeqquaa atuartut assigiinngitsorpassuarnik tunuliaqutaqartarmata. Pitsaasumik ilikkarfiusumillu atuarnermut ilaatigut apeqqutaapput pitsaasumik toqqissisimanartumillu ilinniarfeqarnek. Atuarfimmi klassit ilaanni atuartut affaasa missaasa sakkortuumik atugarliornerannik MIO ilisimasaqarpoq immikkut eqqarsaatigineqartussanik. Meeqqat illersuisuata innersuussutigaa klassimi ataatsimi atuartut amerlassusaannut kina qaqugukkullu killiliinissaq erseqqissarneqartariaqartoq.</p>	<p>aalajangersakkap siunnersuutigineqartut oqaasertaani atuartut ilikkarnissaat atugarissaarnissaallu tamatuminnnga pissutissaqartitsinera taamaallaat eqqarsaatigalugu piumasaqaat ikkunneqassasoq. Atuartut amerlassusaat amerlanerpaaffissaasa ikililerneqarnissaat pillugu aalajangersakkami erseqqissumik piumasaqaatit aamma siunnersuummi § 1, nr. 1-imut nassuiaatinik ilassuteqarput. Taakkunannga takuneqarsinnaavoq taamatut eqqarsaatiginninnernut aamma assersuutigalugu klassip atuarfiup angissusaatigut sinaakktit ilaasut, taakkulu malillugit atuartut amerlassusissaasa appassisuunissaat naleqqutissalluni. Aamma perorsaanikkut eqqarsaatigisassat allat pineqarsinnaapput klassinik mikinerusunik pilersitsineq iluaqutaasinnaalluni, imaluunniit assersuutigalugu atuartut katitigaanerisa pisariaqartilerlugu klassimi atuartut ikinnerusariaqarnerat. Piginnaatitsissut assersuutigalugu atuartitsinerup pitsaassusaa eqqarsaatigalugu tamanna pisariaqartinneqarpat atuartut amerlassusiisa amerlanerpaaffissaat ikilisinneqarnissaa pisuni</p>
--	--	---	---

			<p>aalajangersimasuni malittarisassanik aalajangersaaneq atorneqarsinnaalluni. Aammattaaq qulaani nr. 3.1-imi oqaaseqaatinut allanneqartunut innersuussisoqarpoq.</p>
7.2	MIO	<p>Siunnersuummi nr. 4-mut naleqqiullugu qarasaasialerineq atuartitsissutini aamma atuartitsissuteqarfinni sakkut ilaattut ilanngunneqarnera Meeqqat illersuisuata nuannaraa, tassunga ilanngullugu teknologiimik paasinnineq, attaveqariaatsit, digitalimi perorsarsimassuseq aamma digitalimi pissusilersorneq.</p>	<p>Siunnersuummut allannguutissatut siunnersuuteqartoqanngilaq.</p>
7.3	MIO	<p>Meeqqat illersuisuata meeqqat atuarfiini tamani ikiuinermi atassuteqarfissamik pilersitsisoqarnissaanut inatsisitigut maannakkut siunnerfeqarneq tamakkiisumik tapersersorpaa, taassuma qulakkiissammagu meeqqat tamatuminnga pisariaqartitsisut atuarfimmut toqqaannartumik attuumassuteqanngitsunik ajornartorsiutaasinnaasunik oqaasertalersuinissamut ikiorneqarnissamullu periarfissaqalissammata, tamannalu atuartup naammaginantumik atualerneranut</p>	<p>Siunnersuummut allannguutissatut siunnersuuteqartoqanngilaq.</p>

		<p>iluaqutaasinnaalluni. Atuarfinni taamatut aaqqissuussinermik ingerlataqartuni taamatut aaqqissuussinerup qanoq meeqqanut taakkulu attaveqaataannut iluaqutaatiginera Meeqqat illersuisuata takusimavaa. Meeqqat illersuisuat aamma ilaatigut angalasarnermini annertuumik pisariaqartitsisoqarnera takusarsimavaa.</p>	
7.4	MIO	<p>Meeqqat illersuisuat atuarfiup pisortaatut ilinniartitaanikkut atuarfiit ataasiakkaat qullersatut aqutsinerup pitsaassusaata nukittorsarneqarnissaa pillugu siunnersuummi nr. 21-mut isumaqataavoq. Pisortatut ilinniartitaaneq sulisunut tamanut annertunerusumik atugarissaarnermi pilersitseqataassaaq kiisalu allaffissornikkut paasisimasaqartitsilerluni, tamannalu atuartitsinermut imaaliallaannaq attuumassuteqanngitsunut suliassanut naleqqiullugu nukissaqartitsilissalluni. Tamanna aamma atuartitsinermi atuartut pissarsiaasa pitsaassusaannut iluaqutaassaaq.</p>	<p>Siunnersuummut allannguutissatut siunnersuuteqartoqanngilaq.</p>
7.5	MIO	<p>Meeqqat illersuisuata malugeqquaa MIPI-p atorunnaarsimanera,</p>	<p>Siunnersuummut allannguutissatut siunnersuuteqartoqanngilaq.</p>

		<p>kisiannili nassiussisarnermut allattuiffimi suli ilaatinneqarluni. Taanna MIO 2011-mi pilersinneqarmat atorunnaarpoq. Meeqqat illersuisuata kaammattuutigaa BUFFI - Ilisimatusarfimmi meeqqat, inuusuttut ilaqutariillu pillugit ilisimatusarfik taarsiullugu nassiussisarnermi allattuiffimmut ikkunneqassasoq.</p>	<p>Tamatuma saniatigut MIPI pillugu oqaaseqaatit tusaatissatut tiguneqarput. Peqatigisaanilli malugineqassalluni tusarniaanernut ilaammata suliffeqarfiit oqartussallu il.il. taakkuli suliffeqarfiit oqartussallu immikkoortortai, allaffii il.il. assigiinngitsut ilaanatik.</p>
8	<p>Autismeqartut nuna tamakkerlugu peqatigiiffiat - Kalaallit Nunaat</p>	<p>Peqatigiiffiup siunnersuut misissorsimavaa oqaaseqaatissaqarnanilu, kisiannili Ilinniartitaanermut, Kultureqarnermut Ilageeqarnermullu Naalackersuisoqarfiup e- mailinik allattuiffianut ilanngukkusulluni.</p>	<p>Siunnersuummut allannguutissatut siunnersuuteqartoqanngilaq.</p> <p>Tamatuma saniatigut oqaaseqaat tusaatissatut tiguneqarpoq.</p>
9	<p>Inuit Pisinnaatitaaf- fii pillugit Siunnersuiso- qatigiit</p>	<p>Atuartut amerlassusissaat maannakkut 26-uvoq.</p> <p>Innersuutigineqarpoq: Amerlanerpaamik nukarlerni atuartut amerlanerpaaffissaat 18-20- ussasut, amerlanerpaamik akullerni atuartut amerlanerpaaffissaat 20-22- ussasut aammalu amerlanerpaamik angajullerni atuartut amerlanerpaaffissaat 22-24- ussasut.</p>	<p>Siunnersuummut allannguutissatut siunnersuuteqartoqanngilaq.</p> <p>Oqaaseqaammi siunnersuutip § 1, nr. 1-ip akuersissutigineqarnera tunuliaqutaralugu aalajangersarneqarumaartunut malittarisassanut tunngasuupput. Aalajangersakkami klassimi atuartut amerlassusiisa eqqaaneqartut amerlanerpaaffissaasa ikilisinneqarnissaat pillugu malittarisassanik</p>

			<p>aalajangersaanissamut piginnaatitsissummik ikkussinissaq pineqarpoq. Oqaaseqaat taamaattumik siunnersuummut namminermut atassuteqanngilaq. Aammattaaq tusarniaanermi akissummut nr. 7.1-imut innersuussisoqarpoq.</p>
9.1	<p>Inuit Pisinnaatitaaf- fii pillugit Siunnersuiso- qatigiit</p>	<p>Klassini 26-nik atuartoqartuni tamani ataatsimik ilinniartitsisoqarpoq, taamaattorli ilinniartitsisumut tapertaasoq ataasiulluni. Tassa imaappoq katillugit 52-inik atuartoqartuni klassini marlunni annerpaamik 26-nik atuartoqartunut ilinniartitsisut pingasuullutik.</p> <p>Tamanna isumaqarpoq klassini pingasuni klassimik amerlanerpaamik 18-inik atuartoqartoqartumik pilersitsisoqarpat ilinniartitsisut naammassasut.</p> <p>Immikkut klassini atuartut amerlassusissaannut innersuussut: Immikkut klassini atuartut sisamanit amerlanerigaangata, marlunnik immikkut klassini atuartitsinissamik ilinniagaqarsimasunik ilinniartitsisoqartillugit atuartut amerlanerpaamik</p>	<p>Siunnersuummut allannguutissatut siunnersuuteqartoqanngilaq.</p> <p>Oqaaseqaat siunnersuummi nr. 1-imi piginnaatitsissutip atorneqarneranut tunngasuuvoq, tak. qulaani tusarniaanermi akissummut nr. 9-mut oqaaseqaatini allanneqarsimasut, taakkununnga innersuussisoqarpoq.</p>

		<p>arfineq- pingasusinnaassapput.</p> <p>Immikkut annertusisamik atuartitsinissamik pisariaqartitsisunik atuartoqarpat klassini matuneqarsinnaassaaq.</p>	
9.2.	<p>Inuit Pisinnaatitaaf- fii pillugit Siunnersuiso- qatigiit</p>	<p>Ilanngutsitsinermi klassit: Atuartut amerlassusissaannik aalajangersaanermi inuit ikorfartuisut amerlassusaat eqqarsaatigineqassapput.</p> <p>Ilanngutsitsilluni aaqqissuussineq innersuussutigineqartoq: atuartoq ataaseq immikkut ilinniartinneqarnissamik pisariaqartitsisoq ikorfartuisumik ikiorteqanngitsoq atuartutut marluttut naatsorsuutigineqassaaq</p> <p>atuartoq ataaseq immikkut ilinniartinneqarnissamik pisariaqartitsisoq ikorfartuisumik ikiorteqartussaq atuartutut pingasutut naatsorsorneqassaaq</p> <p>atuartoq ataaseq immikkut ilinniartinneqarnissamik pisariaqartitsisoq ikorfartuisunik marlunnik ikiorteqartussaq atuartutut sisamatut naatsorsorneqassaaq</p>	<p>Siunnersuummut allannguutissatut siunnersuuteqartoqanngilaq.</p> <p>Tusarniaanermi akissummut nr. 9-mut oqaaseqaatinut innersuussisoqarpoq. Oqaaseqaat taamaalilluni siunnersuummut tunngasuunngilaq.</p>
9.3	Inuit	Upp/isumal:	Siunnersuummut

	Pisinnaatitaaf-fii pillugit Siunnersuiso-qatigiit	Atuartitsissummi upp-/isumal-imi angajullernut tulluannigitsunik misilitsinnermi qaffasippallaanik piumasaqaateqarpoq. Misilitsinnerit ilinniarnertuunngorniartinni atuartunut tulluarnerrupput.	allannguutissatut siunnersuuteqartoqanngilaq. Oqaaseqaat taamatut siunnersuummut tunngasuunngilaq.
9.4	Inuit Pisinnaatitaaf-fii pillugit Siunnersuiso-qatigiit	Angusakka aamma qarasaasialerineq: Angusakka digitalinngortittariaqarput, assersuutigalugu iPadimi imaluunniit app'itut digitalimi nammineq nalilersuinnermi immersugassanngorlutik. Ilinniagassatut anguniagassat iPad'imi atuartunit misissorneqarsinnaasut tulluarterujussupput, kiisalu atuartut sunik ilikkagaqarsimaneridik ingerlatissallugillu amigaatigisaannik ilinniartitsisumut paasissutissiisinaalluni. Angajoqqaat aamma assersuutigalugu Showbie aqqutigalugu malinnaasinaallutik.	Siunnersuummut allannguutissatut siunnersuuteqartoqanngilaq. Oqaaseqaat allatigut siunnersuummut tunngasuunngilaq.
9.5	Inuit Pisinnaatitaaf-fii pillugit Siunnersuiso-qatigiit	Klassit allanngorarsinnaasut: Angajoqqaanut ilinniagaqarlutik najugaqartunut meeqqanut atuartunut klassinik aallartitsisoqartariaqarpoq, tassami piffissami sivikitsumi	Siunnersuummut allannguutissatut siunnersuuteqartoqanngilaq. Oqaaseqaat allatigut siunnersuummut tunngasuunngilaq.

		<p>sivisuumiluunniit atuartut paarlattangaarmata. Atuartunut taakkununnga taakku nuuttarnerinut iliuuseqarnissamut pilersaarusiortoqartariaqarpoq.</p>	
9.6	<p>Inuit Pisinnaatitaaf- fii pillugit Siunnersuiso- qatigiit</p>	<p>Ilanngutsitsinermi klassit: Atuartunut avataaneersunut ingerlataqarneq aallartinneqartariaqarpoq, tassa imaappoq ilanngutsitsinermi imaluunniit ikaarsaarnermi klassi, atuartup nalinginnaasumik klassimi imaluunniit immikkut klassimi tulluarnersoq takuniarlugu misilitsillugu.</p>	<p>Siunnersuummut allannguutissatut siunnersuuteqartoqanngilaq.</p> <p>Oqaaseqaat allatigut siunnersuummut tunngasuunngilaq.</p>
9.7	<p>Inuit Pisinnaatitaaf- fii pillugit Siunnersuiso- qatigiit</p>	<p>Oqaatsit sumiorpaluutsillu: Meeqqat namminneq oqaatsiminnut pisinnaatitaaffeqarput.</p> <p>Assersuutigalugu Nuummi tunumiunut klassimik imaluunniit Avanersuarmit avannaamiunut kalaallinut klassimik pilersitsisoqartariaqarpoq oqaatsit ilikkarnissaannut misilitsinnissamullu pinngitsoorani kitaamiusut atuartitsisoqarluni.</p> <p>Kitaamiut oqaasii atorlugit kalaallisut atuartitsineq, kisianni tunumiut/avannaamiut imaluunniit kalaallit nunaanni sumiorpalunneq nammineq kommunerisami</p>	<p>Siunnersuummut allannguutissatut siunnersuuteqartoqanngilaq.</p> <p>Oqaaseqaat allatigut siunnersuummut tunngasuunngilaq.</p>

		<p>ajornangippat atuartitsinermi oqaatsit periarfissaalluni.</p> <p>Kitaamiusut oqaatsinik ilikkarneq misilitsinnerlu atuartitsissummi ataatsimi tamaniluunniit nammineq oqaatsit/sumiorpaluutsit atorlugit atuartitsinermi pinngitsoorani atuartitsissutitut. Kitaamiut oqaasii immikkut atuartitsissutitut neqeroorutitut, soorlu allamiut oqaasiinik atuartitsinertut.</p>	
9.8	Inuit Pisinnaatitaaf- fii pillugit Siunnersuiso- qatigiit	<p>Ilassutitut atuartitsineq naammangisaannarpoq, aamma atuartitsissutini tamani ilassutitut tiiminut naammattumik piffissaliisoqarneq ajorluni.</p>	<p>Siunnersuummut allannguutissatut siunnersuuteqartoqanngilaq.</p> <p>Oqaaseqaat allatigut siunnersuummut tunngasuunngilaq.</p>
9.9	Inuit Pisinnaatitaaf- fii pillugit Siunnersuiso- qatigiit	<p>Najukkami qinigassat: Nerisassiorneq najukkami qinigassani illumi suliassanik ilinniarnermut allanngortinneqarpoq, tassani nerisassat kisimik pineqanngimmata.</p>	<p>Ilanngunneqarpoq. Aammattaaq tusarniaanermi akissummut nr. 4.1-imut atatillugu allanneqarsimasut takukkit.</p>
9.10	Inuit Pisinnaatitaaf- fii pillugit Siunnersuiso- qatigiit	<p>Piginnaasat tapillu: Kulturimi inuiaqatigiit oqaluttuarisaaneranni, inuiaqatigiilerinermi, oqaatsinit/atuakkiornermi tusagassiuutini assigisaaniluunniit bachelorit kandidatillu meeqqat atuarfianni ilinniartitsisutut atorfeqarnerminni</p>	<p>Siunnersuummut allannguutissatut siunnersuuteqartoqanngilaq.</p> <p>Oqaaseqaat allatigut siunnersuummut tunngasuunngilaq.</p> <p>Allatigut malugineqassaaq tassani pineqarmat akissarsiatigut</p>

		tapeqartinneqartariaqarput, tassa taakku atuartitsissutiminni piginnaasanik kiisalu suliniutinik aqutsinermi paasissutissanik katersinerup iluani ingerlatitseqqissinnaammata .	isumaqatigiissummi suliasat pineqarmata, meeqqat atuarfiat pillugu Inatsisartut inatsisaanni malittarisassaliorneqanngitsut.
9.11	Inuit Pisinnaatitaaf- fii pillugit Siunnersuiso- qatigiit	Atuarfiup ullorsiutai: Upperisarsiornikkut aaqqissuussinerni, soorlu påskimut/juullimut qiortaanermi, naalagiarnermi il.il., atuartunut allamik upperisaqartunut atuarfik allamik ingerlataqartitsinermik isumaginnissaaq imaluunniit upperisarsiornerup/kristumi ussutsimi ileqqunut tunngasunik suliakkiilluni, tassa taakku meeqqat nammineq upperisaqarnissamik/aala- janguissimasaqarnissamik pisinnaatitaaffeqarmata.	Siunnersuummut allannguutissatut siunnersuuteqartoqanngilaq. Oqaaseqaat allatigut siunnersuummut tunngasuunngilaq.
9.12	Inuit Pisinnaatitaaf- fii pillugit Siunnersuiso- qatigiit	Ukioq ilivitsoq Danmarkimi atuarfiup ukiua ilaarlugu atorneqartoq Kalaallit Nunaanni najukkami kulturimut inuiaqatigiinnilu kulturimut tulluarsarneqartariaqarpoq, ukiumoortumik nunianneq aamma piniarneq il.il. pineqartillugit, tassa meeqqat kulturimut pisinnaatitaaffeqarmata.	Siunnersuummut allannguutissatut siunnersuuteqartoqanngilaq. Oqaaseqaat allatigut siunnersuummut tunngasuunngilaq.
9.13	Inuit Pisinnaatitaaf-	Ukiuunerani atuanngiffeqarneq	Siunnersuummut allannguutissatut

	fii pillugit Siunnersuiso- qatigiit	pinngitsoorani atuuttariaqarpoq. Ukiakkut atuangiffeqarneq qanga Danmarkimi kulturimut naatsiiianik katersinermi atuangiffeqarnermiit aallaaveqarpoq; maannakkut Kalaallit Nunaanni kulturimut atuutto- rujussuaq ukiuunerani peqqumaatinut atuangiffeqartarnissaq pilersinneqartariaqarpoq.	siunnersuuteqartoqanngilaq. Oqaaseqaat allatigut siunnersuummut tunngasuunngilaq.
10	Peqqissutsimut Naalackersuiso- qarfik	Naalackersuisoqarfik siunnersuummut nassiunneqartumut oqaaseqaatissaqanngilaq.	Siunnersuummut allannguutissatut siunnersuuteqartoqanngilaq.
11	Ineqarnermut Attaveqaqati- giinnermullu Naalackersui- soqarfik	Naalackersuisoqarfik siunnersuummut nassiunneqartumut oqaaseqaatissaqanngilaq.	Siunnersuummut allannguutissatut siunnersuuteqartoqanngilaq.
12	Ilisimatusar- nermut Avatangiisinu- llu Naalackersui- soqarfik	Ilisimatusarnermut Avatangiisinullu Naalackersuisoqarfik oqaaseqaateqanngilaq.	Siunnersuummut allannguutissatut siunnersuuteqartoqanngilaq.
13	Ilisimatusarfik	Siunnersuummi nr. 1-imut naleqqiullugu pitsaasuvoq kommunit nammineq klassimi atuartut amerlassusaannut aalajangiisarnissaat.	Siunnersuummut allannguutissatut siunnersuuteqartoqanngilaq. Tassunga tunngatillugu oqaatigineqassaaq kommunit amerlanerpaaffissatut allassimasoq tikillugu klassimi atuartut amerlassusaannik ullumikkut aalajangiisinnaareermata. Siunnersuulli isumaqarluni amerlanerpaaffissatut taaneqartup annikillisinneqarnissaa pillugu

			malittarisassanik siunissami aalajangersaanissamut periarfissaqalersoq.
13.1	Ilisimatusarfik	Siunnersuummi nr. 2-mut naleqqiullugu pitsaasuvoq oqaluttuarisaanerup immikkut atuartitsissutaalerneru.	Siunnersuummut allannguutissatut siunnersuuteqartoqanngilaq.
13.2	Ilisimatusarfik	Najukkami qinigassat atuartitsissutinut aalajangersimasunut immikkoortiterneqarneri pitsaasuvoq, taamaalilluni atuartitsissutit nr. 3-mi ingerlanneqarnissaat qulakkeerneqarluni.	Siunnersuummut allannguutissatut siunnersuuteqartoqanngilaq.
13.3	Ilisimatusarfik	§ 10, imm. 3-p oqaasertalerneru pillugu siunnersuummi nr. 4-mut naleqqiullugu qarasaasialerinerup atuartitsineru qulakkeerisunik atuartitsissutinik taaneqartunik annertusineqarneru ajunngilluinnarpoq. Taamaattorli atuarfiit atulersimasaat programmeriineq/coding amigaataalluni.	Oqaaseqaat ilanngunneqanngilaq, tassa programmeeriineq/coding teknologiip paasineqarnissaanut ilaareermat.
13.4	Ilisimatusarfik	Siunnersuummi nr. 6-imut naleqqiullugu nukarlerni atuartitsissutit amerlavallaannginnissaat tapersorsorparput, taamaattumik atuartitsissutit akuleriinneri ajunngilluinnarluni. Atuartitsissutini akuleriinni nerisassiorneq aamma	Oqaaseqaat ilanngunneqanngilaq. Aallarniutigalugu oqaatigineqassaaq Inatsisartut inatsisaanni § 11-mi nukarliit pineqarmata, tassanilu nerisassalerieq neqeroorutigineqarnani, maannakkut "illumi suliaassanik

		<p>ilanngunneqassaaq. Inuttut ineriartornermi nerisassat peqqinnartut/peqqinnanngitsut sammineqarneri naammannngillat.</p> <p>Kisianni siunnersuummi nr. 9-mut naleqqiullugu nerisasserineq pinngitsoorani ingerlanneqartassalluni.</p>	<p>ilinniarnermik" taarserneqartoq, tak. qulaani tusarniaanermi akissummut nr. 4.1-imut oqaaseqaatit.</p> <p>Piviusumik aamma atuartitsissutit allat aqquutigalugit nukarlerni peqqinnissaq sammineqarpoq. Nerisassat peqqinnartut assersuutigalugu nukarlerni ilikkagassanut ilaapput.</p> <p>Siunnersuummi nr. 9-mi pineqarput angajullit, nukarliunngitsut. Siunertaq tassaavoq nukarlerni "atuartitsissutit amerlavallaarnissaasa" pinngitsoortinnissaa. Tassani paasineqarluni atuartitsissutit amerlavallaartut.</p>
13.5	Ilisimatusarfik	<p>Siunnersuummi nr. 9-mut nassuiaatini q. 5-imi allassimavoq: <i>Allanngineq ilaatigut isumaqarpoq atuarnerup tamarmiusup iluani timersornerup pingaaruteqartut tulleriiaarinermi inissisimalernissaa. Ilinniagassanut nerisasserineq, nipilersorneq, eqqumiitsuliorneq aamma assassorneq maanna qitiusumiit aalajangersaasoqassaaq qaqugukkut atuartitsissutit taakkua atuarnerup ingerlanerani aallunneqartussaannersut</i></p>	<p>Siunnersuummut allannguutissatut siunnersuuteqartoqanngilaq.</p> <p>Aamma qulaani tusarniaanermi akissummut nr. 13.4-mut oqaaseqaat takuuk.</p>

		<p><i>pillugu, aamma atuartitsissutit taakkua atuartitsissutitut qaqugukkut qinigassatut atuarnarup ingerlanerani inissisimalertassanersut.</i></p> <p>Allannguutissatut siunnersuutigineqartoq isumaqarpa nerisasserineq aamma atuarnarup ingerlanera tamakkerlugu salliutinneqartoq?</p> <p>Taamaassappat siusinnerusukkut siunnersuutigineqarsimasumut tamanna ataqatigiinngilaq. § 11, imm. 2, nr. 5 kingornalu § 13.</p>	
13.6	Ilisimatusarfik	<p>Siunnersuummi nr. 11-imi erseqqissumik allanneqartariaqarpoq ilinniartitsinissamut pilersaarutit ilitersuutaasut aamma ilikkagassatut anguniakkanit atuuttuunersuusut.</p>	<p>Oqaaseqaat ilanngunneqanngilaq.</p> <p>Ilinniartitsinissamut pilersaarutit ilitersuutaassanngillat. Meeqqat atuarfiat pillugu Inatsisartut inatsisaanni § 14, imm. 2-mi aalajangersarneqarpoq: "Alloriarfinni ataasiakkaani atuartitsinermi anguniagassat pingaarnarut atuartitsissutillu kiisalu atuartitsissutit qanitariissut siunertaasa saniatigut, takuuk imm. 1, ilikkagassatut pilersaarutit imarivaat alloriarfinni ataasiakkaani ilikkagassatut anguniagassat, atuartitsinermik ilitersuutit aamma naliliisarnermik ilitersuutit."</p>
13.7	Ilisimatusarfik	<p>Naalakkersuisunut innersuussutigineqarpoq</p>	<p>Siunnersuummut allannguutissatut</p>

		<p>atuartitsissutit aamma ilikkagassatut anguniakkat pillugit nalunaarut nutarterneqassasoq. Iliniagassatut pilersaarutit ilitsersuutaannaapput ilinniartitaanermut aqutsisoqarfimmit aamma ilinniarsimasunit allanit inuttut isuma immaqa aallaavigalugit suliarineqarsimappata.</p>	<p>siunnersuuteqartoqanngilaq.</p> <p>Aamma qulaani tusarniaanermi akissummut 13.6-imut oqaaseqaatit takukkit.</p>
13.8	Ilisimatusarfik	<p>Siunnersuummi nr. 14-imut naleqqiullugu ajunngitsuuvoq ikiuinermi atassuteqarfissami suliap isumaginissaanut assingusumik ilinniartitaanikkut tunuliaqutaqarnissaq. Taamaalilluni isumalluutit allat annikinnerusuni atorneqarsinnaapput.</p>	<p>Siunnersuummut allannguutissatut siunnersuuteqartoqanngilaq.</p> <p>Allatigut Kommuneqarfik Sermersuup tusarniaanermi akissutaata nr. 6.2-p nanginneratut aalajangersagaq sakkukilleqqinneqarluni, tak. qulaaniittut.</p>
13.9	Ilisimatusarfik	<p>Siunnersuummi nr. 17-imi erseqqissumik allassimavoq ilinniartitsinermi pilersaarutit ilitsersuutaasut aamma ilikkagaqarnissamut anguniakkaneersuusut.</p>	<p>Oqaaseqaat ilanngunneqanngilaq.</p> <p>Tusarniaanermi akissut siulianiittoq 13.6 innersuunneqarpoq.</p>
13.10	Ilisimatusarfik	<p>Siunnersuummi nr. 19-imi erseqqissumik allassimavoq ilinniartitsinermi pilersaarutit ilitsersuutaasut aamma ilikkagaqarnissamut anguniakkaneersuusut.</p>	<p>Oqaaseqaat ilanngunneqanngilaq.</p> <p>Tusarniaanermi akissut siulianiittoq 13.6 innersuunneqarpoq.</p>
13.11	Ilisimatusarfik	<p>Siunnersuut nr. 21 eqqarsaatigalugu Ilisimatusarfik imatut allappoq: Allagartartaarluni ilinniartitaaneq aallartinniarlugu</p>	<p>Aalajangersagaq maannakkut allanngortinneqarpoq. Tassunga atatillugu Kommuneqarfik Sermersuup tusarniaanermi akissutaanut nr. 6.1-imut oqaaseqaatinut innersuussisoqarpoq.</p>

	<p>sivikinnerpaamik ukiuni marlunni inuussutissarsiummik misilittagaqassaaq. Tamatuma kingunerisaanik ilinniarnermik naammasserlaaq atuarfimmi pisortatut atorfinitsinneqarsinnaanngilaq. Tamatuma saniatigut aqutsinermi allagartartaarniarneq ukiunik pingasunik sivirususeqarpoq, aamma naatsorsuutigineqarsinnanani nutaatut atorfinitsinneqarsimasoq ullormi siullermi ilinniarfimmi aallartissasoq. Pissutsit allat pissutigalugit semesteri ataaseq kinguartinneqartariaqassaaq, taamaalilluni ukiuni pingasuni naammassinani. Oqaasertaliussat uku arlaat toqqarneqarsinnaavoq: Atorfinitsinneqareernermit ukiut marluk qaangiunnerani atuarfiup pisortaatut ilinniarneq aallartinneqassaaq. Ukiut arfinillit iluanni naammassineqassaaq. Tamanna ilinniartitaanernut arlalissuarnut nalinginnaasumik suleriaasiuvoq, tassani kingusinnerpaamik ilinniartitaaneq naammassineqarsimassalluni.</p>	
--	--	--

14	Aningaasaqarnermut Naalackersuisoqarfik	Aningaasaqarnermut Naalackersuisoqarfiup allappaa siunnersuut Nunatta Karsianut kinguneqartitsissanngitsoq. Tamatumma kingunerisaani § 6-imi aamma § 38-mi imm. 5-imi piginnaatitsissut kingullertut taaneqartumi paragraffimi tassani imm. 4- mi aaqqissuunneqartoq.	Siunnersuummut allannguutissatut siunnersuuteqartoqanngilaq. Siunnersuutip aningaasaqarnikkut allaffissornikkullu kingunissai pillugit siunnersuummi immikkoortoq 3-mi nassuiaatini nalinginnaasuni tamanna pillugu allatanut innersuussisoqassaaq. Siunnersuummi immikkoortunut ataasiakkaanut naleqqiullugu aningaasatigut kingunissatut naatsorsuutigineqartut pillugit immikkoortuni nassuiaasoqarpoq. Tassunga ilaatigut ilaavoq atuarfinni tamani ikiuinermi atassuteqarfissaq pillugu siunnersuummi § 1, nr. 15, tassunga ilanngullugu atuarfinnut taamatut aaqqissuussinermik ullumikkut pilersitsisimannngitsunut tunngatillugu aningaasatigut kinguniusinnaasut.
15	IMAK	§ 6, imm. 2-p klassimi atuartut amerlanerpaaffissaata ikilisinneqarsinnaanerannut tunngasup ilanngunneqarnera IMAK-ip nuannaarutigaa.	Siunnersuummut allannguutissatut siunnersuuteqartoqanngilaq.
15.1	IMAK	IMAK suli isumaqarpoq, amerlanerpaaffissaat tassaassasoq 16-it.	Atuartut ilikkagaqarnissaat atugarissaarnerallu tamatuminnga pissutissaqartitsippat siunnersuut aqqutigalugu tamanna periarfissaavoq.
15.2	IMAK	Klassimi atuartut amerlanerpaaffii	Siunnersuummut allannguutissatut

		<p>eqqarsaatigalugit kommunit akissaqartut atuartut klassinut assigiinngitsunut agguataarsinnaavai, kisianni kommunit akissaqanngitsut qanoq iliussappat.</p>	<p>siunnersuuteqartoqanngilaq.</p> <p>Apeqqutigineqartoq kommunalbestyrelsit ataasiakkaat tulleriarinerannut attuumassuteqarpoq, taamaammallu apeqqut taakkunannga akineqassaaq.</p>
15.3	IMAK	<p>Atuartitsissutini ataasiakkaani aamma atuartitsissutini qanitariissuni tamani qarasaasialerineq atuartitsinerup ilaatut atuartitsinermilu atortutut ilaatinneqassasoq IMAK-ip iluaraa.</p>	<p>Siunnersuummut allannguutissatut siunnersuuteqartoqanngilaq.</p>
15.4	IMAK	<p>Nuna tamakkerlugu internetimut attaveqarnermut tunngasumik misissuisoqarsimava?</p>	<p>Siunnersuummut allannguutissatut siunnersuuteqartoqanngilaq.</p> <p>Oqaatigineqarsinnaavorli KIVITSISA TELE-POST aamma Ilinniartitaanermut, Kultureqarnermut, Timersornermut Ilageeqarnermullu Naalakkersuisoqarfik suleqatigalugit meeqqat atuarfiini internetimut attaveqarneq pillugu ataavartumik misissuinissamut ataatsimoorussamik najoqqutassialiornissamik pilersaaruteqartut. Tamanna ukiup affakkaartumik internetimut attaveqarnermut tunngasumik nalunaarusiortoqartarnissaanik inernejassaaq.</p>
15.5	IMAK	<p>Digitalimut tunngasut allanngorartuaannartaramik qarasaasialerinermi</p>	<p>Siunnersuummut allannguutissatut siunnersuuteqartoqanngilaq.</p>

		<p>ingerlaavartumik ilinniartitsisunut pikkorissartitseqqinnerit ilinniartitseqqinnerillu neqeroorutigineqartarnissaat pisariaqarpoq.</p>	<p>Qarasaasialerineq pikkorissartitsinernut assigiinngitsunut akuullutik ilaatinneqareerput, soorlu aamma atuarfiit pisariaqartitsititik aallaavigalugit assersuutigalugu qarasaasialerinnermut tunngasumik pikkorissartitsisoqarnissamik qinnuteqarsinnaatitaasut. KIVITSISA-p pikkorissartitsineri qarasaasialerinnermut assut tunngapput. Aammalu ilitersuinnermut isiginnaagassiat Iserasuaammut ingerlaavartumik ilineqartarput.</p>
15.6	IMAK	<p>Maanna atuarfinni suliniutit arlaliupput, assersuutigalugu IKIORTIT. Atuarfinni tamani IKIORTIT atuutilernissaanut pilersaarusiaq assigiiaartoq aammalu IKIORTIT-mut akunnerit assigiiaarnerusumik agguataarneqarnissaat kissaatigineqarput.</p>	<p>Siunnersuummut allannguutissatut siunnersuuteqartoqanngilaq.</p> <p>IKIORTIT kommunip suliniutaanut KIVITSISA-mut ilaavoq. Kommunit nammineq sumiiffimmini pissutsit aallaavigalugit IKIORTIT qanoq atorneqarnissaat aqutassaraat, tamatumani Ikiortit ataasiakkaat suliassaat aallaavigalugit akunnernik qassinik pisariaqartitsinersut ilanngullugu.</p>
15.7	IMAK	<p>Oqaluttuarisaanerup immikkut atuartsissutitut immikkoortinnissaa iluarineqarpoq. Atuartsissutinut inuiaqatigiilerinnermut, upperisalerinnermut aamma isumalioqqissaarnermut</p>	<p>Siunnersuummut allannguutissatut siunnersuuteqartoqanngilaq.</p> <p>Atuartsissutip pingaartinneqartinnissaa siunnersuummut siunertaavoq.</p>

		akunnerit atuartitsiviusussat ikeqimmata, atuartitsissummut sapaatip akunneranut 45 minutsissaqarluni ilikkagassatut anguniagassat anguneqarsinnaanngillat.	
15.8	IMAK	Atuartitsissutinik toqqaasoqarsinnaanera IMAK-ip siulersuisuisa nuannaarutigaa.	Siunnersuummut allannguutissatut siunnersuuteqartoqanngilaq.
15.9	IMAK	Atuarfinni pisortat atuarfiup pisortaatut ilinniarsimanissaat IMAK-ip siulersuisuisa isumaqataaffigaat. Atuarfinni pikkorissunik allaffissornermut perorsaanermullu tunngasunut pingaarnertut akisussaasunik pisortaqarnissaq pingaaruteqarpoq. Atuarfinni pisortat atuarfimmik aqutsinissamut piginnaasaqarluarnissaat pingaaruteqarpoq.	Siunnersuummut allannguutissatut siunnersuuteqartoqanngilaq.